

新刊國朝二百家名賢文粹

新刊國朝二百家名賢文粹卷第二百二十六

記

寺觀記三

成都府天慶觀道藏記

范忠文公

太史公論道家之言而曰使人精神專一動合無形瞻足万物
指約而易守事少而功多至於爲史記則以韓非申不害與老
子同傳豈非後世多事必於有爲以至於無爲乎班固所志才
三十七家九百九十三篇而伊尹太公辛申鬻熊管子之書在焉
至隋乃分經戒餌服房中符錄凡四種合二百七十七部千二
百一十六卷而不著其目唐有道家類又合以釋氏而得百三
十七家七十四部千二百四十卷以著于錄而管子列子法家
所謂伊尹太公辛申者皆亡不傳鬻熊之書存自明皇後不
以著錄者又百五十八家千二十八卷則其溢於漢者千五百
八十五卷矣噫老子著書五千言以爲盡天地事物之理後世

學者寢廣而其書至於如此其多豈以其事虛元其辭難知必
支離而後至於簡易如太史公所謂者乎 宋興祥符天禧中
真宗始大崇起其數而玉清昭應宮景靈宮會靈觀皆置使典
領又命其徒與諸儒裒其書是正繆訛繕寫以藏於其處而以
其餘賜天下宮觀以廣其傳獨劔南道未皇暇焉嘉祐初成
都府郫縣道士班若谷慨然欲盡見其書而莫由得也於是東
走於鳳翔府之太清太平宮慶成軍之太寧宮又東至於亳州
之太清宮洞霄宮明道宮凡書二千餘卷太清宮者老子所生
所謂厲鄉者也有九井有古壇有丹竈於是縱觀焉又覽唐開
元及祥符中行幸故廬以歸治平元年今天子既即位若谷又
與其徒仇宗正鄧自和列言於府曰釋氏書遍滿天下州郡而
道家所錄獨散不完願至京師得官本以足其傳於是喟然歎
學士兼翰林侍讀學士尚書戶部侍郎韓公知府事以其狀聞
上言蜀之名山秘洞勝景為多而道家書不完無以奉揚清濁

之風有詔即建隆觀給官本以足其傳凡得若干秩四千五百
卷溢於唐者又千九百二十卷可謂完且備矣若谷宗正自和
且將益其書爲五本藏於成都府之天慶觀郫縣之崇道觀青
城山之丈人觀梓州雒縣之洞靈觀綿州之洪德觀使學者
優柔以求其所謂清虛自然之要而至乎其師之道此太史公
所謂者頗不偉欤若谷隴烏人後徙於郾宗正青城人自和綿
州人三人者持操堅正而皆有功於其教者後之人觀其勤勞
而不輕其守則其書之傳爲無窮矣

表忠觀碑

東坡先生

熙寧十年十月戊子資政殿大學士石諫議大夫知杭州軍州
事曰昔言故吳越國王錢氏墳廟及其父祖妃夫人子孫之墳
在錢塘者二十有六在臨安者十有一皆蕪廢不治父老過之
有涕涕者謹按故武肅王鏐始以鄉兵破走黃巢名聞江淮復
以八都兵討劉漢宏并越州以奉豐昌而自居於杭及昌以越

叛則誅昌而并越盡有浙東西之地傳其子文穆王元瓘至其
孫忠獻王仁佐遂破李景立取福州而仁佐之弟忠懿王俶又
大出兵攻景以迎周世宗之師其後卒以國入覲三世四王與
五代相終始天下亂豪傑蜂起方是時以數州之地盜名字者
不可勝數既覆其族延及于無辜之民罔有孑遺而吳越地方
千里帶甲十萬鑄山煮海象犀珠玉之富甲於天下然終不失
臣節貢獻相望于道是以其民至於老死不識兵甲四時嬉遊
歌舞之聲相聞至于今不廢其有德於斯民甚厚 皇天受命
四方僭亂以次削平而蜀江南負其險遠兵至城下力屈勢窮
然後束手而河東劉氏百戰守死以抗王師積骸為城醢血為
池竭天下之力僅乃克之獨吳越不待命封府庫籍郡縣請
于朝視去其國如去傳食且有功于朝廷甚大昔竇融以河西
歸漢光武詔石扶風修理其父祖墳塋祠以太牢令錢氏功德
殆過於融而未及百年墳廟不治行道傷寒其非所以勸獎忠

臣慰答民心之義也臣願以龍山廢佛祠曰妙因院者為觀使錢氏之孫為道士曰自然者居之九墳廟之在錢塘者以付自然其在臨安者以付其縣之淨土僧曰道微者歲各度其徒一人使世掌之藉其地之所入以時修其祠宇封殖其草木有不治者縣令丞察之甚者易其人庶幾永終不墜以稱朝廷待錢氏之意臣抃昧死以聞制曰可其妙因院改賜名曰表忠觀銘曰天目之山苕水出焉龍飛鳳舞萃于臨安萬生異人絕類離群奮挺大呼從者如雲仰天誓日月星晦蒙強弩射潮江海為東殺宏誅昌奄有吳越金券玉冊虎符龍節大城其居包落山川左江右湖控引島壘歲時叨休以燕父老曄如神人王帶毬馬四十一年寅畏小心厥能相望大貝南金五朝昏亂罔堪託國三王相承以待有德既獲所功弗謀弗咨先王之志我維行之天胙忠孝世有爵邑允文允武子孫千億帝謂守自治其祠墳毋俾推收愧其後昆龍山之陽歸安新宮匪私于錢唯以勸忠

非忠无君非孝无親凡百有位視此刻文

筠州聖祖殿記

顏瀆先生

維周制天下邑立后稷祠而唐礼州祀老子蓋二祖之德光配
天地充塞海隅凡有社有民不可以弗饗既而與民祈福俾雨
露之施无有遠迹亦以一民之望便知飲食作息皆上之賜粵
維我聖祖功緒永遠肇自皇世超絕周唐逾千万年威神在
天靈德在下祥符癸丑歲始詔四方万国咸建祠宮立位設像
歲時朝謁因周唐之故以教民順筠故附庸豫章列為成國維
近匪遠吏民朴魯野不達礼承命不蠲因仍故宮即其東廂以
建神位凡進見之礼稽首東向更六十有九年弗革弗新元豐
三年二月旦維瞻爰命作守始至伏謁惕然不寧既視事遂以
言於朝度其宮之東得隙土南北十有二筵東西九筵伐木於
九峯逍遙之山四年八月始庀工九月而告成耽耽其堂殖殖
其庭神來顧享民以祗肅且輒適以譴來瞻其終始乃拜手稽

為詩六章章八句刻之祠廷之石詩三

高安在南分自豫章重山複岡魚鳥之鄉俗野不文吏亦怠荒
礼失不知習為舊常於穆聖祖宅神皇極降鑒于下子孫千億
羽衣玉佩旗纛旌節巍巍煌煌秩祀万国如日在天靡國不臨
筠雖小邦其有不敬東廡西嚮誰昔營之民昏不知神以不懷
深山之間野水之濱礼樂齊明孰見孰聞祖廟之嚴臣則存
失而不圖民以罔觀毛侯始來其則有意匪民之愚礼樂寔墜
章聞于朝帝曰俞哉弗改弗營何以示民九峯之杉逍遙之拂
易直且脩弗鋤而堪新堂有嚴四星在南朝廷之儀万民所祗

大名府天寧万壽觀碑

東平呂公

皇帝踐祚之四年昭陽協和之歲九月癸巳率臣京等建言天
下州軍賜寺額以為天寧万壽既得請越十月朔丁未御史中
丞石豫復請置觀如寺以奏可亦以崇寧万壽為名唯節鎮置
之而已近臣繼請於觀置明離天保二殿明離祠火德天保奉

本命而天保之額上為親書之。臣惠卿以留守北京既承命即
遣人詣京師請成節正局觀道士寒昌辰掌觀事昌辰經圖其
制得府東真武院斥大其故地而更造之三闕前門挾以側堂
大殿中嚴難習對峙明離天保額面于東序真室道藏皆設于
西清客舍齋廳間列廊廡講堂寢室深遠疏漏以至道侶之所
會集童行之所休息并庖院沐閑既搜匱莫不備具凡為屋一
百八十有九間惟真武殿臨舊餘皆創足為其經始落成之年
月與寺相先後而吾皇之所以下羣臣之所以報上與夫此
京之士民間詔而樂施已見於寺碑者茲不復道也。臣切以謂
道未始有物而生天生地裨鬼神帝日月星斗得之以旋轉者
也。孔氏之儒釋氏之佛老氏之道未始不本於此而孔氏經世
藏用而未之嘗言釋氏救生體變而先乎不在唯老氏則絕弃
至智以復於无物則不離於太宗而已。是故其祠以三清為主
而上之玉皇大天帝紫微皇天天皇南極大帝三十二天帝諸

仙日月星宿六甲十二辰下之地祇嶽瀆三十六洞天七十二
福地莫不咸在蓋其所自生興其所以神者於是而有祈焉固
其宜也伏惟 皇帝陛下以天縱之資應帝王之運故聞儒者
祖述憲章致治成法則朝謨之廟堂夕措之天下而不以為難
聞儒者之動容作相楊眉瞬睛一言足以悟人則延序接引而
不以為誕聞老者寶珠如黍萬真之會上無復祖天中之天則
書錄傳布而不以為疑故羣臣請建寺僧傳妙法置觀藏直父
祠火德以崇興運本命以固生元亦皆受之而不辭凡以出於
本宗而知其固有故也然則躬方機之繁豈足以勞吾神極四
海之奉豈足以相吾志哉且固知惟慈能勇而躬持平三寶之
全以道法天而成位乎四海之上方且致助力之治於千載寂
寥之後養松喬之壽於九重護護之中且雖歸老丘園猶與日
暮之遇也昔者皇陶賡虞而舜德元尹吉美固而宣功興民賴
時慕焉因觀之成作銘以獻其詞曰

域中有物誰能名竊竊冥冥含其精孕乾育坤陶万形運轉前
曜騎列星老氏得之以為經其祠主之維三清天帝列真地群
靈乃所自神興其生目子禱君福壽增於茲有祈理所應真人
來應帝王興每聞妙理心已傾中虛万務莫足撓養已烏能昏
五情保持三寶唯勇行道參天地位乃成堯南舜北皆此明喬
松不假離穆清表輝非敢當前銘作此庶幾奉椿齡

吉州三清殿記

劉學士偉明

道家謂天有大羅其上則元都王京山也山延袤九万里七寶
成就有城傳其椒面各二百有四十門羅以寶林綠葉朱實城
中芝英五色蓮徑度十丈嫵然叢生無有間禪有宮焉是憑穹
臺爰由下之宮上宮號三清元始天王所治中宮號上清太上
道君所治下宮号太清太一老君所治三宮始雖若不屬已而
神邁才一宮如也然王京天路多至於八十一万而山岳洞室
適相直焉者又八十一萬自列真君凡大率始終如世入所謂

九九八十一者異時列真朝上京日或三至或再至或三日一
至經行億萬直轉瞬收吸頃耳而在不敢望彼其宗仰可到乃
如是况擾擾之下士乎然則殿其屋而不吾苟亦瞻漢所向者
之所自致也吉州天慶觀唐故紫極宮國朝別號均慶祥符初
書有自天預者真宗皇帝感焉國例錫今額九年冬會天大風
旁舍火妄行而觀之三清殿燭燭隨盡惟是香火不綴七十餘
年於茲矣一日道正金布白談其徒曰吾人生長休明衣恬食
嬉非衆真焉快尚孰使我有此冠且褐者茲觀殿若像不幸殫
於徃歲一昔不救之煇炳中間尺椽寸瓦不置于霄切雲播為
莽墟殆非吾師所謂元始居協晨靈宮之意也吾知任斯責矣
於是募可興公事者得侯信錢百方以倡其餘未幾應者走費
恐後其為屋五楹高五十尺且以層櫺曲枅墜以丹黝飾以仙
靈雲氣能垂澤井列鏡青瑛之浮動而欄楯塔堦逮其數祀且
弗支則一切攻文石為之既而建像十三其中若適至然陰映

輝赫觀者播皆經始於元豐三年之季春竣事於五年之仲夏而力不乏用錢合七百万有奇而樂輸者初不候勸也其本末成就盖如此先是隆慶禪院沙門利儼者以龍華會締里之嗜佛人爲異時福田利益因取其羨財別建轉輪大藏度用錢二千萬勸者方走䟽四掠而希白亦構殿聞諸家間人皆難之其後儼緣事適止員而希白所治宇已矗如幻化矣於是議者謂用篋力纒纒亦兩緣合發之時營十百萬錢敏若掇芥圖宿發於七十年之相望而照地金碧纓寄諸一唱其爲力工拙難易宜如何哉若希白自謂知任斯責可無負矣余友歐陽君通彙與希白遊且有舊焉抵書走洪求余文以識而未暇也而希白比三請滋却益勤因爲之掇其可附著者使鑱諸石且以志吾里人樂易以善起也希白能詩於琴元工其爲人號有信義者

吉州道藏記

無盡居士

大道無言惡乎迷之大道無象惡乎藏之言而非言則三洞四

輔述之至於無窮而言非多也象而非象則百千萬卷藏之玉
於不可盡而象非礙也於是吉州天慶觀道士某甲作道經藏
成因寶文閣待制李公琮來求予記嘗試以所摩訂之空洞之
元氣母混成不忘爲真不二爲精不昧爲覺不測爲神孰清孰
濁孰凡孰聖孰短孰脩孰魔孰正輕極重生上下乃形下騰上
降水火傳精故有日月晝夜司明一二成三三微成氣三氣成
候三候成節大明終始五六循環日從左運辰以方合周流六
十故新相易剛柔交發三才莫體杳邈太空三清所都莫知其
先強目曰元莫知其初強目曰始莫知其大強目曰太莫知其
頂強目曰上高而無至仰之曰尊宰而無我主之曰君能虛能
盈能一能萬化生諸天成就世界中有妙山名曰玉京四方旣
正八天旣分三十二帝分住寶城斗箕角軫井參奎壁魁承岡
建五合造運抄毫勿釐輿道同流劫運悠曠太少格塞邪氣失
元散著群生因其九竅發生情識情流識蔽死轉顛倒因流起

愛敬愛生憎憎愛交攻前伏後起弃明趨昧積昧爲陰結陰爲幽入幽爲鬼神爲人形旁爲異趣啖食凌暴更相強弱性不得靜命不得延黑氣慘靈干犯宵極三清化主三天帝君覽觀在下念與悲自然妙氣絡繹成文靈風鼓奏自成音聲至慈度厄至仁好生至正摧邪至明破眞上列宮曹下設岳洞來眞授職列仙分統眞機既漏玉字乃出火鍊洞陽筆著空青玉檢金版符錄呪訣教授仙來威制魔群鍊度魂魄役召萬靈太上道三上眞道七中眞道六下眞道四金口所說三師所授瑤函寶笈秘畜天臺寶落人間太倉一牒修眞之士集爲三洞真多務得附以異術無無上眞名曰洞眞幽深淵微名曰洞元靈奇隱顯名曰洞神非眞之眞泯寂無文非元之元妙體孤存非神之神歟忽無垠子藏其書勞苦經營子嘉乃志試爲子評靜室焚蘭齒扣鼓鳴整肅冠褐臨目注誠諦存三氣映照兆身誦持萬過反覆發明無爲經肆無爲說鈴子有志乎將利人乎人獲

其利可以具愧彼之購書追此完備捐金出力亦既數至矣予
觀闕遂窮至意一觀而悟一居而脩肯去凌虛所欲可求外乎
六宮內去三彭往來外隆保守三鄉激激聖牙烹鼓八瓊高奔
七曜蹤躡九精回紫抱黃托握五行二十九戶混合反局雲珎
玉霜蛭景芝英可以還淳可以反嬰金童列侍霞車下迎獻歌
飄搖与道合并然則道以書傳書以藏積積其所傳与世為益
益而損之損至於无躰无合无尚天為拉道藏之利不亦博乎

成都府天寧方壽觀碑

廬峰居士

崇寧二年九月癸巳宰目蔡京等言伏以陛下適道先烈親披
万機分別正邪明信賞罰修飾法度協和万邦上當天心五緯
式序元元之民蒙被休德顧何以稱竊惟天保之雅歸美報上
皆以福祿壽考為言今天寧甫屆聖土傾心巨等伏請建寺天
下賜額崇寧以增格无疆之福十月丁未御史中丞石豫言切
以道本无名為天地始陛下處无事之事居万物之宗春等昌

燬天地長父願置觀中亦以崇寧為名觀作別殿以崇本命
制曰可三年二月壬子敕崇寧觀寺其悉以萬壽增之四月癸
亥翰林學士張康國言國家運主火德世膺景貺自陛下建陽
德觀于京師垂象順行人神協慶幸即天下崇寧萬壽觀建火
德直君殿揭以明焉稱崇奉意願設閣待制知河南府范致虛
亦言杭州既請奉命殿賜名天保冀以御書刊石均賜墨本許
摹於傍以幸天下詔皆從之五年十二月戊寅改賜天保殿
為景命万年政和元年八月丁酉易崇寧為天寧按觀非節鎮
不聽置成都劍南西川也法應置以故龍圖閣直學士知府事
虞策卜府之西偏嚴真觀廣而新之工未就緒龍圖閣直學士
呂嘉問為策代報請置昊天觀事聞朝廷至簿問于有司候天
之請罷復以嚴真觀為今觀大觀三年十二月甲戌顯謨閣直
學士知府事梁子野被御前旨以觀僻在城隅湫隘淺東有
民圃為觀相屬可購地益觀賜度牒之空名者凡五十以其直

給地券且資營繕一切費勅子野提舉措置勅內藏庫使權葵
遣成都府利州路兵馬鈐轄高偉專督役事子野任圖會費以
聞得畫許可於是鳩工於四年三月戊午明年三月巳卯自承
乏府事以甲寅以工畢上蓋為殿五曰三清曰景命万年曰
明離曰九曜曰觀經若檀若門若挾若廡若堂若樓若齋願若
道院合一千九百六間以役募工通五万三千有奇以錢計
費纔万緡有奇而役作之雄得易大壯造廷之人端拜而望如
翬斯飛如鸞如鳳如鸞如鳳如鸞如鳳如鸞如鳳如鸞如鳳如
清士極元氣如鸞如鳳如鸞如鳳如鸞如鳳如鸞如鳳如鸞
屬壬戌之辰御書所立青詞朱表前期而降期至則醮通七晝
夕守土之臣於闕表簡書銜目名以遵遣旨文率鈐轄轉運提
舉常平學事等官會同實屬若僚吏將校之隸于府者羅拜墀
下稱萬歲壽又月之初吉朝謁于觀如所頒令夫自劍閣而南
成都為大府府之勝地真如嚴真當西漢時君平以下筮隱依

著龜以道古者興一言則依于孝與公弟一言則依于順與人
臣言則依于忠蓋書一餘刀言皆老莊指揚雄以謂若平不作
苟見不治言者又從而以其操雖隋和何以加諸觀實若平
故弟通加于弟一在書一則此劔地得銅壺鼎出凡九物壺有
丹砂鼎有而弟一在書一有二百此復得銅龍一劔十有四
觀諸此則觀之宜其敬殊廷樓之士稽首而誦非
長生久壽則保一國而稱非延壽益筭則長生保
命之秘矣然則一書一劔一國而稱非延壽益筭則長生保
非其人而自舉事一書一劔一國而稱非延壽益筭則長生保
始憐恐失措即日直疏獻其劔免輒自惟念頃者待罪西掖實
代王言又實撰劔書一劔一國而稱非延壽益筭則長生保
字爲職今理之如書無非億下斯年等語正臣子之大願其可
以不敏辭於是熱沐沐被拜手稽首而獻言曰臣聞堯觀乎淳
封華封人曰嚳聖人請祝聖人使聖人壽富多男子後之人曰

懷歸美報上之心者必稽焉天保之雅是也非特天保爲然賦
辭太平之詩詩通八章其四章曰君子万年而以介爾景福介
爾昭明永錫祚嗣景公有僕繼之至於秦魯諸侯之邦襄之終
南亦曰佩王將將壽考不忘僖之闕宮亦曰俾尔壽而臧俾尔
壽而富惟陛下聰明文思若稽於古廣運其德格于上下內
則九族既睦外則黎民於變巍巍蕩蕩如天如神願目之愚謫
不足以彰崇壽鴻以對揚天子之休命然自在侍從列十年於
茲儻不能措祝壽之一詞則是弗得而華封人齒也且切恥焉
謹撰慶成天寧大壽觀頌十章章十有二句書諸石而繫之其
詞曰

明明天子尊道事天清淨先爲以法自然覆之圓清載以博厚
垂我衣裳雨被民阜終日乾乾象帝之先且拜稽首天子万年
明明天子達孝至仁則友其兄之德之純惟功之揚惟事之述
於皇熙豐聖志惟一其德如天其澤如泉且拜稽首天子萬年

明明天子達禮之徵是正冠昏以式九國昭回之章序茲五祀
船之方來有室斯啓經失其傳乃今弗冠且拜稽首天子万年
明明天子受取諸身新我雅樂弗泥亡陳旋相為官職以大晟
人神以和叩金石應歌謠在咽協亦管絃且拜稽首天子萬年
明明天子於樂辟雍濟濟多士惟訓之從諸侯泮宮薄采芹藻
聖製孔昭振古是考鄉翠里選今也則然且拜稽首天子万年
明明天子武德有常實壙實穀經理土疆河湟式卷罔不順內
養蠶女百蠻冠帶惟之編其鎡鋌烽臺熄煙且拜稽首天子萬年
明明天子所恤惟刑喪殺不辜寧失不經革杖以笞法令完具
囹圄屢空幾致刑措紀之簡編肅永厥傳且拜稽首天子萬年
明明天子百志惟熙發政施仁理財止解周南之風自家刑國
質明御朝以迄于吳權綱是專時敢弗虔且拜稽首天子萬年
明明天子受命永昌寶玉鎮國鼎金奠方步靈禾嘉露甘泉醴
沃河湛清五緯循軌諸福之物邈無古元且拜稽首天子萬年

明明天子政莫與隆淵冰是懷弗有其功勒文穹碑驅策萬物
乾坤之容渠可繪畫承平之寔敢著于篇巨拜稽首天子萬年

眉州天慶觀飛輪藏記

去室先生

道家者流其來最遠爰自黃帝氏作至周有老聃得其傳戰國
時列禦寇蒙莊之徒和其說迨秦漢間遂名曰黃老之學其道
以虛無自然為宗以清淨淡泊為事其真以治身其緒余以治
天下中古以來蓋嘗焉堯舜周孔之道並行於世而不相戾異
乎所謂浮屠氏之學者也浮屠氏本出西方至漢始入中國霍
去病擊匈奴獲休屠王祭天金人顏師古曰金人即今佛像明
帝夢見金人飛空而下傳教以為西方之聖人造使於天竺訪
之以歸自是佛法始流傳于時究厥所由其與道家之享本原
不同而途轍各異曷不取道德經五千文攷之其言微其旨遠
其文簡而嚴其義宏以肆殆與六經相表裏非若冰炭相鑿之
不相入後世學者猥曰佛老佛老玄者吁可怪哉今羽衣黃冠

寔黃帝老聃氏之曲裔也尊其道以為徒合其徒以為廬垂其廬以為藏藏者斯其徒之書者也於是洞真靈寶天書雲篆之章浪函策笈金匱石室之秘能經鳥師餐霞服日之法以至延真降聖之科燒煉符籙之術諸家異說粲然而陳不勝其多矣眉山即郡城之北為天慶觀瞻眺深氣象森嚴華為十方日接雲遊之侶獨未有藏經之所而王觀事者勝敷道始創於大殿之東敷道廉勤可以取信於人堅忍可以趣辦其事主積黍累日益月成金碧工巧間見曾出輪飛機動天旋地轉既建殿以儲其經爰築道院以隸其業紹興中造始於戊辰之春斷手於壬申之秋制作壯偉遂置於西南其官官中都敷道千里以書來謁曰是殊勝事不可無文以記年月久之未暇也今茲來治謹又不遠千里重趼而至叩請曰隴石久矣願毋固辭昔孔子西藏書於周室嘗繙十二經以說老聃聃問其要子曰要在仁義今子藏若千秩之經其言不啻以萬億計敢問其要果安在

耶曰五千文蓋道家之要也曰至哉言矣子盍歸而求之有
師於是書以為記隆興元年孟夏既望端明殿學士王中大夫
知潼川軍府提李季士兼管內勸農使楊某記

上清儲祥宮碑

東坡先生

元祐六年六月丙午制詔曰軾上清儲祥宮成當書其書之石
曰軾拜首稽首言曰日以書命待罪北門記事之成職也然目
愚不知宮之所以廢興與凡材用之所從出敢昧死請乃命有
司具其事以詔曰軾始太宗皇帝以聖文神武佐太祖定天下
既即位盡以太祖所賜金帛作上清宮朝陽門之內旌興王之
功且為五代兵革之餘遺民赤子請命上壽以至道元年正月
宮成民不知勞天下頌之至慶曆三年十二月有司不戒于火
一夕而燼自是為荆棘瓦礫之場凡三十七年元豐二年二月
神宗皇帝始命道士王太初居宮之故地以法錄符水為民灑
掃民起歸之稍以其力脩復祠宇詔用曰者言以宮之所在為

國家子孫地乃賜名上清儲祥宮自賜度牒與徘徊廟神祠之遺
利爲錢一千七百四十七萬又以官田四十頃給之刻王如漢
張道陵所用印及所被服冠佩劍履以賜太初所以寵之者甚
備宮未成者十八而太初卒太皇太后聞之喟然歎曰民不可
勞也兵不可役也大司徒錢不可發也而先帝之意不可以不
成乃敕禁中供奉之物務從約損斥賣珠玉以巨万計凡所謂
以天下養者悉歸之儲祥積會所賜爲錢一万七千八百二十
八万而宮乃成內出白金六千三百餘兩以爲香火瓜華之用
召道士劉應真嗣行太初之法命入內供奉官陳衍典領其事
起四年之春訖六年之秋爲三門兩廡中大殿三旁小殿九鐘
經樓二石壇一建齋殿于東以待臨幸築大館于西以居其徒
凡七百餘間雄麗靖深爲天下偉觀而民不知有司不與焉焉
呼其可謂至德也已矣目謹按道家者流本出於黃帝老子其
道以清淨无为爲宗以虛明應物爲用以慈儉不爭爲行合於

周易何思何慮論語仁者靜壽之說如是而已自秦漢以來始
用方士言乃有飛仙變化之術黃庭大洞之法太上天真木公
金母之号延康赤明龍漢開皇之紀天皇太一紫微北極之祀
下至於丹藥奇技符籙小數皆歸於道家李者不能必其有無
然臣嘗切論之黃帝老子之道本也方士之言末也脩其本而
末自應故仁義不施則韶濩之樂不能以降天神忠信不立則
射鄉之禮不能以致刑措自漢興蓋公治黃老而曹參師其言
以謂治道貴清淨而民自定以此為政天下歌之曰蕭何為法
講若畫一曹參代之守而勿失載其清靜民以寧壹其後文景
之治大率依本黃老清心省事薄歛緩獄不言兵而天下富巨
觀上典太皇太后所以治天下者可謂至矣檢身以律物故不
怒而威捐利以與民故不藏而富強已以消兵故不戰而勝虛
心以觀世故不祭而明虽黃帝老子其何以加此本既立矣則
又惡衣菲食卑宮室陋器用斥其贏餘以成此宮上以終先帝

未究之志下以為子孫无疆之福宮成之日民大和會鼓鼙詠歌
歌聲聞於天天地喜喜神祇來格祝史无求福祿自至時乃時
億永作神主故曰脩其本而末自應豈不然哉臣既書其事皇
帝若曰大哉太祖之功太宗之德神宗之志而聖母成之汝作
銘詩而朕書其首曰上清儲祥宮碑臣武拜手稽首而獻銘曰
天之蒼蒼正色非耶其視下也亦若是耶我築上清儲祥之宮
无以來之其肯我從元祐之政媚于上下何脩何營曰是四者
民懷其仁吏服其廉鬼畏其正神興其謙帝既子民維子之視
云何事帝而瘠其子允哲文母以公滅私作宮千柱人初不知
於皇祖宗在帝左右風馬雲車從帝來狩付閱新宮察民之言
佑我文母及其孝孫孝孫來享左右耆者无競維人以燕我后
多士為祥文母所培我膺受之篤成其材千石之鐘万石之甕
相以銘詩震于四海

上既夢遊帝所親受帝言將興道教政和七年四月乙未詔天下悉立神霄玉清万壽宮鎮江府以龍山龍遊寺改建如詔書越明年館御既嚴像設既新幸徒歡趨雲委川至齊聞京師於是上親善殿閣等十名以賜又明年王友領府事上曰神霄宮成當書出友其善之臣謹按圖牒及道藏書金山始為浮玉山言自王京諸峯浮而至者後有即山以居而得全于水涯者因以名焉又父老相傳先事時嘗以為龍遊觀已而為浮屠氏所有者幾一百年故金華楊氏洞天記曰中國洞天不載於名籍者尚多有之金山其一也蓋其前臨滄海却倚大江獨立正明以天為際風濤朝夕赴其吞吐日月晦明環其左右攬取數州之秀於俛仰之間而下盤魚龍之宮神靈之府蓋宇宙區奧古今勝處也則高真所庭逸士所廬天闕地藏千有餘年一朝歸然為海內琳宮之冠者夫豈无待仰惟皇帝陛下繇神霄玉清之地撫炎精累洽之運九意所屬天必從之風馬雲車會于明

庭者帝之所眷也瓊章玉宇諄諄而告者帝之所命也笙鏞合
奏者帝之所示也方且躬承秘訓興既墜之緒繼源悟本合道
德而一之以幸天下其神機所運雖兩儀二氣曾不外吾提挈
把握則名山大川東放嶠夷西屬崑崙南極丹淵北運窮髮者
特其融結之一矧茲山當吳楚之衝去京師二千里而近在吾
顧盼之地是宜清光一曠而土木耽耽金碧差差雄視東南與
天无極以至山君海王江神川石奔走率職唯恐其後故華榜
既揭天宇澄穆鶴翔其空湛符之晨水波不興赤龍自獻世徒
咨嗟太息以為瑰奇詭異之觀殊不知天人精稭昭合冲融超
出形埤者乃其餘事故巨擘論之在昔人君崇方士之說望殊
庭于騶騶者未嘗不自以為得與神明交也彼不過涉其淫庭
味其糟粕區區於巫祝之小伎機祥之末節尔亦何嘗有以神
霄帝君之事告之者王於戲盛哉自浩劫以來書契所傳尤於
變化出應帝王與天為徒其造物者為友明道闡教為生民福

者上一人而已何以言之世稱得道而應世者莫盛黃帝然黃帝
遊赤水則遺元珠訪具茨則迷大壘蓋黃帝自區域而企天遊
於納山川於車馬之間而不足上由霄極而持世教故運山川
於几席之上而有餘則自以爲自浩劫以來書契所傳上一人
而已豈虛言哉上敕漕臣詹度總視工事始於政和之七年秋
成於明年之夏凡爲殿有三曰長生曰青華曰黃籙爲臺三曰
寶華曰榮笈爲閣二曰龍游曰經又爲鍾樓爲素定庵皆上自
名而書者遂命太素大夫黃澄居之澄學道於茅山五十餘年
流輦推重上以金山爲天下神霄第一故首以付澄臣幸得以
薄技待罪從班適守茲土事成而書臣之職也敢以斐薄爲辭
謹拜手稽首而獻文曰

帝膺寶籙臨九壘方靈祇肅來三天真人下執區中權疑旋不
動堪輿旋閔茲流俗劫屢遷鍊形蛻骨惟所先聿興至教窮海
壖叢霄想望清都運偉哉浮王當大川地維四絕中巋然世氣

不沸環以泉吳峯楚嶠輸風煙天宮地博樓方椽宛如龍漢初
開年帝傳寶璽題其巔神光下燭陽侯利金符玉簡功用全或
龍龍龕江神虔驚濤弭伏雲母鮮回翔縮羽登蜿蜒霞冠巨壩
其數千乘先日覲虛皇前坐令下土侔高圓焉知帝力施無邊
下巨作頌鑲蒼君堅不磨與與茲山傳

新刊國朝二百家名賢文粹卷第二百二十六

新刊 國朝二百家名賢文粹卷第一百

記

廳壁記 題名附

麟州通判廳記

張孝先

今之通判古之監郡郡政之治助而成之郡政之廢繼而亡之此足以宣天子之風達窮民之志也我 國家開建人義利都五百里德政所被入用胥悅皇威所加罔不震恐故使一儒者鞭制荒外何其壯耶麟州舊壤實自新秦按秦武王轉徙東民以實此土久用滋富因以名之漢拜胡方之郡唐為麟州之域匈奴綏荒在何一曲党項部族漢民混居長城其前屈野川其右左帶樓煩之境南偏赫連之鄉惟府由茲膺齒相輔開元年中群蕃構逆燕公致討諸城麟州所以安餘種也顯德之末崇不賓揚侯作藩移壘斯堡所以護井冠也 麟州通判之職始未嘗設雍熙二年夏六月始某拜命倅蒞是邦其緒兵綏

民禦侮致餉利與守牧相為表裏天下安靖以宅厥處取財因
舊不奪民力廳事敞開獨首陽丘故廳停也使停息其間又廳
聽也欲聽行其教蓋禮之攸屬民之是依得不盛哉於政君道
惟艱難於審賢自道惟艱難於克官民道惟艱難於能安若是
鑠也帝王之詔令存焉千里之刑政系焉苟職君之務如飢嗜
食待君之民如子俟息則明恕中出刑政用清內杜擅權之吏
外絕無告之民謂斯廳也宇覆疆內人用休息若忽君之令冠
君之政掠民膏腴為妻子謀則志辱於貪事荒於濫既厚編積
之責亦速覆舟之外謂是廳也醒甚辱君肆其何待焉賢行難著
仁心易曉敢錢廳壁取為政規後之君子勿為妄也時皇宋雍
熙二年八月日記

婺州永康縣題名記

顏待制

永康自復十代載從祖恩諫為其令後三百餘年始復來其間
名氏自五代而上不可攷而續宋始有天下十一州猶專於錢氏

故興國以前令皆假攝朝廷印錫命官距茲纔二十二年來者
二十有六人矣噫永康土方廣三百里民著籍二萬家仁者長
之使俗安而化周豈曰志未行乎但今之議縣治者不風教是
期而惟曰籌案執整刑政責簡郡部亦快是而與否之雖然君
子豈屈其所學而有愧道之譽乎寧有忘蔗菰而去猶愈俛志
而歸名處盜國之祿而塞民之望罪莫大焉若二十六人者其
中或信已之道而外時毀譽致澤於民或法糾俗躋而厥志
未甚申鈞可曰良令所見之跡則存諸田里父老之論提名氏
而稽問之則歷歷可詳詳而後思則自皇者或興起而其志由
是知復之斯記亦有補於行道也

書院題名記

范文正公

皇宋闢天下建太平功揭日月渾注河漢金革塵積絃誦風布
乃有睢陽先生贈禮部侍郎戚公同文以賁于丘園教育為樂
門弟子由文行而進者自武部侍郎許公駿而下凡若干人

先生之嗣故都官郎中維樞密直學士論並純文浩學世濟其
美清德素行貴而能貧祥符中鄉人普氏請以金二百萬建寺
于先生之廬學士之子殿中丞舜賓時在私庭俾幹其裕故太
原奉常博士續時舉賢良始掌其教故清河職方員外郎吉甫
以管記以領其綱學士畫一而上真宗皇帝為之嘉歎固可矣
奏今端明殿學士盛公侍郎度文其記前參預政事陳公侍郎
堯佐題其榜由是風正四方士也如狂生方梁園歸坎魯臺盡
南如星絳掖如雲請議乎經談思乎文經以明道若太陽之御
六合焉文以通理若四時之妙万物焉誠以日至義以日精取
學為海則九河我吞百谷我尊泮詞為鋒則浮雲我決良玉我
切然則文學之器天成不一或醇醪而古或郁郁於時或峻於
層雲或深于重淵至于通易之神明得詩之風化洞春秋褒貶
之法達禮樂制儀之情蓋言三才三工之書傳涉九流百家之
說者蓋互有人焉若夫廊廟其器有憂天下之心進可為卿太

夫者幾人其學能樂古入之道退可為鄉先生者亦不无矣
夫二十年間相繼登科而魁甲英雄簪羽臺閣蓋翹赫然未見
其止宜觀名列以勸方來斯綴者不負國家之樂育不孤師門
之禮教不忘朋簪之善道孜孜仁義惟日不足庶幾刊金石而
無媿也抑又使天下庠序規此而興濟濟群肆咸底于道則皇
家三五之風步武可到盛門之光亦無窮已他日門中人絕德
至行高尚不仕如睢陽先生者當又附此焉

定州縣壁題名記

韓魏公

郡縣守長有記于廳事之壁前代无聞唐始盛焉當時名儒所
述則謂壁記非古也若原地里修物宜陳山川之形勝與風俗
之好尚則圖牒存焉其所取者在乎彰善而志惡名民遷次亦
云末也夫能推名氏以見善惡謹遷次以尊主命亦春秋之事
也雖於古未著而今可廢乎河朔立邊之郡以十數而定宿大
兵據戰地故朝廷所寄之重不與他比慶曆八年夏五月始詔

魏瀛鎮定四路帥各兼支撫之職定之帥領定保深祁四州廣信安肅順安永寧四軍凡兵民之政悉主之居是任者非得文武兼備之才不可居而誤乃於愚者故臨治以來惕然自勉以思報稱幸時旣久吏民重旅率相信順事日簡得以裒綴鉅編因訪國朝以來爲州者之次序將刻石以傳焉而吏曹狂於武事不以圖籍爲急壞敗亡缺卒不可究若但取近年可記者書之則又義無所本今故以朝廷更制之始爲首首畫圖而勘新治也夫已之爲政是不固不可以自明必俟後人迹其行事然後善惡詳焉則予與來者旣鑒其名氏揭諸聽斷之所朝夕視之思不媿於後人座右之誡也可不愼乎其謹記

白波發運使廳壁記

蔡君謨

唐開元中裴耀卿建言瀕河設倉庫治舟以漕湘衡吳楚淮泗之粟行水數百千里浮鴻溝達河汴渭以食長安用是國富以強其後劉晏修復舊制費益損而力益贍焉爲材能自天子居

大梁南方之饒萃而不西乃取關中北不以東下而三門白波
河陰咸設官蒞治發運之職其治白波者增使名而重之金部
員外郎陳君既總使職其治凡邦計之所賴貨財百物遷買上
下必精思以行之故事無留者因視其所治介於河洛之間南
北有嵩山少室天壇太行群山絕時之美遠近環合登高而觀
之可以娛遊而宴處於是累高以爲臺誅榷以爲圃植宇聯屬
互作佳致圖誌書記盈溢几案官事且休日出其下彷彿而自
適夫治繁而簡者其中有餘以靜而動者於心無累居處尤劇
之務而未始離乎簡其爲心也豈不裕哉

諫院題名記

司馬溫公

古者諫無官自公卿大夫至于工商無不得諫者漢興以來始
置官夫以天下之政四海之衆得失利病萃于一官使言之其
爲任亦重矣居是官者當忘其大捨其細先其急後其緩專利
國家而不爲身謀彼汲汲於名者猶汲汲於利也其間相去何

遠哉天禧初真宗詔置諫官六員責以職事慶曆中錢君始書其名於版其恐久而漫滅嘉祐八年刻著于石後之人將歷指其名而議之曰某也諫某也直某也回鳴乎可不懼哉

鄆州使廳題名記

富文忠公

鄆實禹貢兗州之分在漢為國元魏為郡隋為州唐初因隋制弗改正觀偃車置總管府以休兵也元和用武署天平軍以扞患也据要處劇控若喉衿治與亂咸不忽其地地夷而負固故多寇聚其俗饒而右力故多豪傑蔽田墳沃厥物繁夥當時奉天下郡宜少與校遠國朝並取隋元和一號州以管民事軍以行戎政各有攸處不相參焉然自天子去雍洛相汴以都汴無山河形勝惟西倚武關隱若金城之固北暨狄東漸海夷則曠然無以為禦獨天平介於二方為巨鎮上可以蔽京師之重下可以殿方隅之廣此量疇昔今益大且難矣合難與大非賢者不能守然往時雜用幹卒多隳於民事章聖好文咸平後專命

儒者或以材治或以德臨文人相望維之持之景祐丁丑歲夏
六月僕射沂公辭相位以資政殿大學士來此未及下車而問
州之利病采知之既已署事百職修舉科防不煩而人易從法
令幾置而人不犯流亡者獲盜竊亂賊者逐遠鰥寡孤獨者不
失其養未嘗以法繩吏而拱手亡所規覲亦未嘗督責於民而
倉廩以實於是作頴宮募生徒人皆向方士俗一變如太熟得
濯如革疾得醫官私融融如無臨制之御典刑之策而庶務自
化不見其迹噴仁矣哉治之至也公常三秉政有茂勲集手邦
家以天下之才撫一郡宜乎不勞民而用人公居多暇裕因徧
考前守治狀與歲與名將圖刊列以求厥興言自國初至改邑浸
遠不究惟官顯爲人所傳如中書令石公守信侍中曹公彬融
馬都尉吳公元康輩者無幾不足故闕之攷邑甚迹貫叙可述
先是故城迫於鉅野澤地頗卑濕受濟以閭澤水怒溢不禁城
遂湮咸平三年詔徙于東十里從源也今所錄起新城迄茲凡

三十六人刻諸石并取授受歲月附于名下得以嗣書所以重
陪京之地光治人之職亦春秋姓譜太史年表之類焉夫名存
則政舉治狀能否有行事在故不書既而命竊題辭以信於後
時某年某月某日謹記

閩州新井縣廳題名記

蒲左丞

縣令此宰相位不同其所繫同宰相威愛於民不若縣令之速
宰相坐中書臺為天子謀慮天下事有不至焉其害即不及於
人天子可否於上百官諍議於庭要其是然後行之令長坐縣
衙施設措置朝行而暮遍語出而民間有一不至百姓不旋踵
被其冤鄉者里胥莫敢抗也縣吏小史莫敢爭也將許於州縣
於轉運使事已老病已成力已不勝矣宰相非其久以公議可
罷縣令不稱職類無大過不滿三年不去噫是亦難哉新井縣
自建隆開國例以令治承平既久大蕃事多綱紀偷墮感而不
樂夫聖中始以京朝官易之邑漸整飾簿書獄訟不以向時無

條理然而記錄之不存名号之不彰由天聖迄嘉祐三十年間
傳十人而太子中允黃若至始議刻書其姓名又證其邑人陳
某自始有令來世遠人老多不盡記前天聖而言已失其傳後
天聖而求京朝氏族官品具在皆可刊列予爲吾序之可乎某
曰士大夫嘗欲訪求所謂十人者爵氏雅跡論者以究其施設
指畫而且不得其詳今黃君之來以簡車敦坐寄用寬不旋一
筭而賦自集至閭之民安食穩寢不識公人文帖之撓無愁煎
嘆嗟之聲因其安閑又能修舉逸事以載國朝更置之端與諸
公名績之美使君無諸某尚當有請於前况有是見屬遂爲之
記云嘉祐三年四月五日記

撫州使驛記

王學士補之

善爲政者急其所急以及其所緩而經理於急緩之際亦各有
方不善爲政者反此若夫教化以奪其未順之心衣食以厭其
必得之欲蔽不可留之獄訟郵無所告之老窮簡閱官吏崇其

書而替其思此最其所急而不可緩者也至於城池之所以備
豫解舍之所以與居倉庫之所以出納及臺榭廐驛其園之區
區宜車而宜修而修此差可以緩而不可廢者也故未用事
於一州者得宏敏周通之君子則將能周旋裁處急當其急緩
當其緩常不繆於序而其間又周旋經理使其利足以掩害其
損足以爲益薄費而厚得近舉而遠存不然得鄙近偷情之世
吏則其裁處多不能當其序而經理又不能適其宜如前之云
云者此後世之通患而誼儒法士所爲發憤而思古也治平二
年四月某日撫州之縣成太守司農少卿錢公某重唐刺史危
全諷之所建也蓋全諷之建當天祐之元年至今忽二百年而
其勢將壞故公始議並之而方是之時公之爲州已踰年矣其
政令已行而吏民順諄歲常有年獄訟清簡公夷然無爲也於
是使四縣之令各致其材而不自憚其煩繼繼篤遂故能以旬
有二月而成既成則其規模高廣皆踰於舊而其始又以行撫

其中六極故使坐其下者宛轉四顧豁然虛曠稱夫曠堂蓋千
里者之勢其用於事而善如此此真所謂宏敏周通之君子哉
噫天下之有撫州而撫州之有治廳者固无窮而治廳之內
太守之迭處而迭去者亦無窮也然則今者之役不有文字之
曲折以記於無窮之間則後之人孰知夫為是役者自吾錢公
始而為之又適當其序且有方也故其承公之命不敢辭以不
能而遂為之記云

直講題名記

劉縝脩貢父

自三代以上教學之官為重其在周師氏保氏是也漢世以四
科辟士一曰德行高妙志節清白此三公之任師賓之材也其
二曰經明行修能仕博士溫故而知新可以為明正已而物正
可以上修蓋所謂德選者至於文能筆章勇足斷疑非不才且
強矣任為御史三輔縣令非不劇且要矣然而三而後及之焉
其重輕先後豈虛言而已哉夫治起痛粗事以趣辦或武夫儒

興文吏一切莫不言材計功者當是時也以謂學校無所用及夫世治隆平既無而富武斯先所施其謀強固無所售其力在上者方使百姓興行壯幼孝弟耄期稱道修其育中之誠以應事物俯不媿於人仰不愧於天然後知教學之爲達材成德也是故學官之重輕繫焉之上下非強有所左右也幾生於無所用貴由於不可得已爾宋有天下百有餘年庠序之教遍于四海而京師太學之盛近古未有朝廷發号施令名臣建議興廢未嘗不以爲先用是觀之其爲太平至治不其然乎漢制博士三科上爲尚書其次出爲郡刺史其下不通政事以又次補諸侯王太傅是故公卿之選由博士外者最多自建隆至今學官之至相將侍從者蓋嘗班焉惜其未嘗記錄無以詔後問於耆舊老人得某甲已下若干人故爲作記刻石具列名氏遷徙歲月不知者蓋闕彈來者得嗣而志之焉

道之在天下有爲物已輕而所係已重有爲功甚近而其流及遠者雖情狀事變有所不齊要之百物不廢而已故古之制器者皆取其功名而勒之然後苦良工拙不得欺於後世況乎郡守之寄有地千里當古連帥屬長之任反不得識名金石以傳國人則治民之功制器之不如也元豐四年天子命朝議大夫公來守于岐既踰年矣政成事暇公召其屬佐官某而諭之曰郡邑官府之有題名舊矣題名之設識名不識事善惡之實雖獨信於史筆而思數之意不可奪於民言某吉州之治雖有題名而此次差舛方將改正而刊諸石而昔人之意未有以名之者子盍爲言之其辭不獲命竊思書經聖人所刪然武成游辭猶未爲君子盡信於史獨傳左氏而失之誣文獨傳韓愈而以諛得照故孔子作者春秋其文則史而已無一詞有所毀譽而義存乎其中逮德下衰至有以雄夸示一時取流俗之觀美推豐碑勳美詞所稱誦功德雖古良臣猶更有所不及然民莫之思也

異時知德者如將有考於題名則指是名也以問諸國之人而人思之其政可知矣指是名也以問諸國人而人數之則無政可知矣若夫泯泯無傳者雖不足以名其善惡然其人又可知矣又何多言之取哉所謂係已重而其流及遠者是亦春秋之意而已公之爲是邦非特自公也卅有人焉其流風善政所以在民而下朽殆如古之諸侯卅德之澤隨公之政莫然及往服作率慶上不爽厥德是以以之當莊古之善言獨傳於今者不免邇使之舊則其雖欲有言又可期於必信乎故不敢以言系公之美第述公之意爲之記元豐五年春具官汲郡呂某記

晉城縣令題名記

明道先生

古者諸侯之國各有史故其善惡皆見於後世自秦罷侯置守令則史亦從而廢其後自非有功德者或記之循吏與夫凶凡殘殺之極者以酷見其餘則泯然無爲矣夫漢唐之有天下計數百年其間郡縣之政可書者亦宜多矣夫其見書者率十數十

人使賢者之政不幸而無傳其不肖者復幸而得蓋其惡其與
古史之意異矣夫圖治於長久者雖聖智為之且不能倉卒苟
簡而就蓋必本之人情而為之立法然後可使去惡而從善則
其紀綱條教必審定而後下其民之服循漸漬亦必待久乃淳
固而不變今之為吏三歲而代者固已遲之矣使皆知礼義者
能自始至即皇皇然圖所設施亦教令未熟民情未孚而吏書
已至矣儻後之人所志不同復有其者欲新己之政則盡其法
而去之其跡固無窮矣而况因循不職者乎噫以易昔之政而
復無以託其傳則宜其去皆未幾而善惡無聞焉故欲聞古史
之善而不可得則因謂之有題前政之名以為記者固為近古
而斯品一無之乃考之案牘訪之吏民才得自李君而降二十一
人第其歲月之先後而記之俾民觀其名而不忘其政後之人
得從而續其是非以為師戒云爾來者請嗣書其父

新刊國朝二百家名賢文粹卷第二百二十七

新刊國朝二百家名賢文粹卷第二百八

記

廳壁記二

原州刺史廳題名記

浮休居士

仕於此而題其姓名而去者尚夫要之不獨謹其歲月而識其姓名又將使後來者觀其人則足以知其政夫在刺史縣令尤謂之宜而原州獨未始有此元豐二年其郡桑侯鈴轄巡原兵而兼領原事一日走書河關曰我之大父郎中君於雍熙中實殿中丞來守是郡迄今九十有三年矣而小子不肖續服厥職因索其守原之可見者由大父君而下得若干人將次于石其悉為我記之某曰嘻物理有之耳雷之聲易歇奔川之水易竭赫赫之光易滅夫豈惟是哉故世有富貴者身處熱而勢棄時吹噓可以浮山熏炙可以熟物一旦不幸或以罪遷或以色死子孫猶不披其澤今桑氏祖孫之間相距固九十餘年矣引而

仲之何啻百年哉且以百年之遠而不失守土之權能承其乃
祖之治在人情足以為榮矣且又安知侯之子孫不復為此州
哉然身歷世幻未免萬物之同歸與夫暴富貴而亟喪亡者固
有間矣原故治高平高平昔陷其蕃徙泗州之臨邛即今治也
郡介于泗原環慶之間夷落雜居而外邊夏虜朝廷常為要郡
重其人而久其任侯之來也上實領黑馬侯家世儒者其父則歐
陽永叔嘗有傳侯端助介廉柱腹金革者四十年常曰吾老矣
無能為姑為天子守土可也如其功名則以侯來者

漢川學士舍題名記

九峰先生

為國莫大乎建學建學莫大乎養士而用之古者於家有塾於黨有序
於遂有序於國有學學之養士於少有離鄉無志於長有知類通達於
德有知仁聖義忠和於行有孝友睦婣任恤於藝有禮樂射御書數於
勸有選士俊士造士進士之榮於懲有移之屏之棄之寄之之辱故士
皆服馴其教脩明其道義而成就其才能於家有孝弟之仁於鄉黨有

忠信之行於辭受取舍有廉愧之節於出處去就有進退之義於施生
禍福有介特之操於為天下國家有教治鼓舞動化之術而上之取而
用之也亦各視其才而等級之故於始有賢能之書於中有辨論之政
於其終也於可以為士與卿大夫者有庸之之法於可以為卿大夫而
有餘者雖天子猶北面而賓師之於是有承之之禮如是而學之道成
矣二帝三王之所以治其要蓋在乎此使其後嗣苟有所持循而不至
於大壞則猶可以更百世而不亂惜其不知出此而學校廢故遂以亡
及秦蒙李斯燔經殺士既足以自斃而餘波猶及乎後世故庠序之教歷
千載而莫之復學雖有存者不以教士雖有可教者亦不於學而取之
夫有學而不以教不以取士猶無學也本朝自慶曆熙寧紹聖以來數
垂意於學矣崇寧元年今天子實始考古詔抵神考之教法頒之天下
凡所謂養士取士悉歸諸學學者教有師訓有友食有廩餼書教有行
藝由行藝而真有爵祿非此族也不名為士凜凜乎二帝三王之文矣
而士亦感厲自奮故得爵祿者視科舉為多以廣漢推之天下可知

也始廣漢之士由科舉而進者累三歲而得一人其苦亦不過四三人
今年春得論定之士八人而科舉不興焉可謂盛矣凡學之士莫不
侈上之賜而樂鄉黨得人之多於是悉取自興學以來所謂得賢錄
者次第其名氏而來請文以記之嗚呼上之所以待乎士者至矣其學
政既侔乎古矣士而不效古人自處其亦可以為士乎吾輩之仕者若
處者勉之視唐虞三代之士毋愧焉其可也故余為道古今之學政與
古之為士者使刻石風示之其有激也夫其亦職之所當告也夫
政和二年十一月癸未晦文林郎充州學教授蘇元老記

吉州廬陵縣令題名記

豫章先生

昔皇用是持正言廬陵有餘二萬有地三百里縣當刺史理所
今日兩趨衙退則祇承錄判將校事相關臨煩言易生凡事難
專於今方籍號稱士萬刺史府官屬與唐軀勢不同所以病令
使政難二者猶不除也故廬陵令稱治者常少按求版籍由太
平興國政元而上無傳焉由馬建下訖本嘉元三十有七人歲

月官資以能右選格應入丞罷不以理或以故去皆可疑
今陳適用汝器始辦刻石以圖永久維三十七人其政之姚惡
則潰民老吏之言猶在去而頌於朝其能否則載於士大夫豈
不必書適用資直方行事如破竹不能為人下其擊伐人不避
豪貴其為政老奸吏縛不能展手其收民善去敗群者其簿籍
如謹細書生所抄書且欲考馬君以來政事與商用度長比短
差其功最使并刻之而未暇以廬陵之難為令而稱治其才可
知已

黔州黔江縣題名記

豫章先生

黔州縣治所蓋楚開黔中郡時哥羅亦聚落也於今為縣二鄉
七里戶千有二百其秋賦徭庸不登三十萬錢以地產役於公
者八十有五其義軍二千九百招諭夷自將其眾者五百七十
其役於公之人質野畏事大略與義軍夷將領不殊也使之非
其義或跳梁不為用夫訟失其情或虜略以償直暗則小智者

亦瀕疆畔而爲其懦則細黠吏亦能用其柄而斂其以百計市
蜂蠅以千計則吏以長吏爲侮寬則以利啗胥徒而苟免猛則
鳥獸駭而素警中矣至今得其人抑圻圮解民以安堵而異時
号爲難治吾不知其說也膠西逢興文爲黔州軍事判官會王
君任以憂去二年不除代有司以興文攝令遂以治聲聞蓋其
人練達吏道故不以假攝爲一切之政老於憂患故雖攝事跡
年而不倦事事舉以詔條將去如始至府庫簿書如墮如柳不
鄙夷其民子弟教之故其政無六疾而夷夏安之縣舊無題名
記興文愍其太陋求之故府與其老吏乃自熙寧庚戌得題名
洙以來十人刻石以爲後觀而屬余記之予產日知人有言曰
最霸國夫有社稷民人王事均也豈可忽哉興文之舉於是合
矣後之人有此六疾而求治吾不知也無此六疾而是不治吾
則不信也故悉書之以告來者

紹興十二年上臨遣江西漕臣得滑基起公奇南豐符公
行中旣即事以書抵子曰行中與同事夙夜惴惴勤恐不稱
任使幸朝廷元甲兵之問四方不見羽書虎符陰陽調和
繼有成歲吾二人多暇日於公宇後披榛治穢辟地為樓
以登案牘其下為堂榜曰有年日會僚屬議事頃居是職
兵火之後得湯東野而下將以姓名刊石而陷諸壁敢請
文以記某夕間二公善於其職因為書之曰把節坐輶通
謂使者轉運使佩寄委九重賦筆有經管羨必刻供億有
度覲功必擾如日薄領期會而已則斯堂之上鴈鴛越起
奉行文書又何議焉必欲究上指旣職事則孰賢未揚孰
蕪未摘民瘠思肥齒耗思息惠農何術備饑何儲勸俗敦
仁抑認起遜此皆富吾民以富吾國聖上之首轉運之事
左氏以春秋書士穀堪其事也議者又謂致諸侯而大夫
會之譏僭也其說一矣今姓名爵里同書一壁間其人為

賢為否於事為堪為不堪特未可知而予有說焉前日選
用以賢他日歸報以功德惠政術如兩公者則睥睨壁間
心且死愧而況於人乎不然則列城土生齒百万田野市
井父老子弟開口抵掌不謀而公雖記无所兼而公議絕
之此為甚可畏者愚見或然請附壁石之末年月日鄱陽
熊某記

河東典刑徙治太原題名記

斜川居士

古者制鍾鼎造宮室猶書其人名其地蓋將使後世或有所考
尔而況設官書吏徙徙府寺獨无所誌不其闕於河東提郡二
十有四縣八十有一民物之繁夥吏兵之衆多獄訟之紛紜朝
廷專委司馬提點刑獄所以昭不德意其重而曩者或治上
黨或治平陽莫有定處元豐七年歲在甲子十一月始詔有司
徙之太原環視諸州岌然居中使之觀風俗問疾苦省囚繫乎
反刺卒各便於事此聖人子惠遠民欽恤惟刑之意也又因其

籍以鈐戎之故寺稍增其舊官不加費民不矢勞即而居之逮
今二十有九年矣其承之于茲惜其廢置之不錄歲月之不載
恐無以表見于後乃訪求其事案牘具在獨上黨題名不可得
矣祇取平陽所記刻之于前又得元豐徙治已來奉使者若干
人別書于左前賢往哲粲然在目庶幾來者想見風采有以見
朝廷得人之盛豈不偉歟

莫州宣詔廳記

前溪先生

公孫洪曰詔書下者明天人之際通古今之義我文章兩雅訓辭
深厚小吏淺聞不能究宣董仲舒曰今郡守縣令民之師帥所
使水流宣化故師帥不賢則主德不宣恩澤不流黃霸曰上垂
意於治數下詔書吏不奉宣為選擇良吏宣布詔令令民咸知
上意賈山曰山東吏布詔令民雖老羸癯疾扶杖往聽之願少
頃更無死見德化之成第五倫曰見長安市每讀詔書常歎息
曰此聖主也一見決矣陸贄曰奉天所下詔書武夫悍卒無不

感動流涕蓋昔之人所以將順德美播告主旨在使金石木石之聲滿門者類如此也夫聖人對時四方万里以行詔令蕩播人心若飛鳥之舉流水之原春秋後先日月代明時雨時風雷電合而章藥傷補敗討定狡獪曾不出戶牖而畏威聽唱如在咫尺顧與有助焉熙寧元豐間上方作新此猶謹嚴其聚議編錄觀象之法具有毛脉得痛治所不及者元祐守成厚文章木雖大救宥鑪錘貴鼓而寒鄉小家往往不與聞至於順變去故緣情作則片言數行采目坐側日成章而歲成書雖核更有未能深通其意者又龍蠶督其國人不獲被覆垂甍齊限以次可為太息也莫樂土人物萬計自京師去六日聞朝廷警晏顧何可罔之而此缺久不作太守杜侯知所先務因材構止技之當坐名曰宣詔又新三梁平衢道以利走跡夷坊陌以達和氣華藻標的皆使民知詔令之將至而官吏之日聽而從事也蓋侯之未行明敏有思下至履屐頭屑皆為數方略利用而省費又能

解縱擅喪備然知文理之樂而流教美俗之本有出於此也君
子則未之勝以官去無名不急惟誠意于德務則九動容布
指國史將書焉涇也期与侯承白詔志敵舞于此終之以不倦
庶幾回斯人之耳目於垂漢之下天籟之側非特苟為是區處
而一道也

一 彭城縣令題名記

後山居士

慶曆初西邊弛兵益脩政事謂吏之近民莫如令始也王官行
縣事以休其民蓋自選人三考用平者為令今三考用平者為
京官京官滿三歲為朝官蓋士之選者以選士治劇縣若相宜
然而猶有不合者豈法使然哉徐為州部五縣而四用選令故
為難治而彭城其九也昔漢宣帝責成郡國守相班班聲蹟可
紀今選士為令於古為加詳而吏治不正如古其故何耶蓋漢
承秦弊綱目疎闊吏自為治故易為功而非王制今法令備具
上下維持中才可以守而智者常患不盡其用故其治雖元赫

縣之功 然善其身明其視聽使民有所恃而不冤亦可謂良
有司矣司馬遷班固傳循吏不列縣令豈以令非王官不登簡
策略而不書耶今皆天子命更可不自勉使史氏有述焉令縣
故先詔承議郎梁君始追紀其名氏列于石凡十九人記与不
記不足為吏能而梁君力能及之為有餘也

題名記

陵陽先生

吾鄉在成都之南二百里其土瘠故无万鍾之家其地左故无
千金之賈其俗淳朴不樂轉徙以是三者故生子必使為詩書
及卒進士為官下者祿足以肥其家上者見用於時接踵相望
計其所得与万鍾千金者豈不相十百也向使吾鄉為通邑大
都則士或習它技不復有今日儒孝之盛則向之三者殆天所
以相吾鄉也或者謂土瘠而地左不若旁近郡而吾鄉之人亦
以為耻獨不可以儒孝之盛与之爭衡哉蓋自國朝以來卒進
士者稍稍出矣至天聖中伯祖父屯田公登科自是登科者歲

不乏人焉宣和三年信道兄既調官而歸顧謂某曰吾方見在
欲盡刻鄉人之登科者子為我序嗟乎某去州里久不得提筆
而入鄉校以從鄉人計借每以為恨乃今得為序託名鄉人之
右實與榮焉因不敢辭某聞山川英淑之氣其發有時今三隅
不能秀意其英淑皆鍾於人而鄉人言後生之能為詞章者益
衆信道歸幸謝之努力無怠余將見盡三隅之石不足以紀吾
鄉之士大宣和三年三月壬午記

嘉州移置提刑司題名記

西山先生

國朝舊制憲之治在成都大觀初有轉運副使望宰相意涿府
尹者疑憲與尹比欲并逐憲妄言祖宗置憲嘉州為諸邊形勢
至元祐中移成都於是詔遷焉時國論不主元祐小人用以誕
謾不獨此也益與蠶徽相接者在嘉纔兩邑皆窮弱不足計如
永康威茂則近連文政遠屬河湟蓋當備者憲在成都可以周
知動息諸臺因以闕次嘉陵西州絕域或事出緩急江山限隔

報置郵中後時矣但宗之意不如是之疎也憲聽題名雖不全
自天聖初至崇寧末尚可考興趙清獻公成都記所載憲治皆
不曰在嘉州也予取遷治之後自劉公軫夫而下名氏別刻之
記其事迹如此年月日自任邵某記

蒲井鹽官廳壁記

吳巖先生

臨邛漢縣也蜀郡領之以鹽置官前志備錄後史略略其修廢
莫可知及西魏始郡臨邛又析其地縣廣定隋更廣定曰蒲江
還屬臨邛統縣為六其近鹽獨蒲江居最易稱改邑不改井蓋
邑多遷徙而井故在也漢所謂縣其實則郡雖遷徙無定而封
畛土略要不相遠蒲江本自臨邛別出欲尋鹽官之迹茲匪其
近者歟按可謂會計錄景德間合一郡之井才五鹽以斤數者
二十七萬七千七百耳由祥符訖天禧民益開浚堙塞務竭地
藏天聖末井之載于食貨志者凡一區以斤數者二百五十萬
井尚有逸也鹽則八倍於景德矣出產者冒沒相乘虛偽相加

迨慶曆初得其數于會遷至三百萬二千三百一十有五朝廷
問斯民之競利不遺餘力也戊子詔書特蠲其所納緡錢一百
萬自六年始三司執各道以爭弗聽故皇祐會計錄田況所載
鹽數比慶曆遂減六分之一然民力尚艱詔書終下歲有減焉
及治平初鹽數始復天聖之舊神文憲文之盛德可勝旣乎自
天聖治平之數皆合一郡而言之不獨蒲江蒲江實占其數十
分之七少贏先是官廢不修牙校各征其利罔上剥下亂獄滋
豐執事者病焉復修廢官卽寧撫數之効維其時哉當六年井
之籍千官九鹽以斤數者八十萬五千四百鄉所謂十分之七
少贏者舉此數也并舉旁近歲入參較治平則其減可知矣元
祐遣使訪民疾苦又特減熙寧三十二萬五千三百二十有六
君子謂元祐之政媚于上下者指此類也有司不悉朝廷恩意
偷得微利元符末其數亟增一十二萬一千四百二十有二而
泉源歲久或微九井莫汲其一鹽耗不登民愈告病靖康力行

寬大通商惠工復有所減近此元符雖曰少損遠方元祐之數
并減焉遂以一百三十八萬二千三百七十爲定祖宗家法于
其仁不于其利内外自庶疇敢弗承彼貪昧無耻者平不忍厚
肆其毒民之戴宋祚爲舊哉凡鹽官所摠之數具此矣外合旁
近歲入并數之土慮一百五十一萬一千四百九十擬慶曆固
已懸絕並景德尚五倍有贏以爲足此不翅足矣必爲不足涸
滄海之波寧有足邪君子則必能勉此也余僻嗜書且病不願
仕固無以養其親未忘閔拊之祿會鹽官闕守者轉運使曰此
雖卑當屬吾黨之士俗吏刻薄斯落吾事則命余攝焉余亦樂
其去家之邇也可與親俱乃束書而來勉爲振起條曰刻革蠹
弊旣整而暇頗得縱意文藝惟官居褊狹不足容吾書姑即聽
事寓簡冊四庫咸在外設牕戶爰示限隔賓客時至燕見無所
於是憑虛架空更作西序軒檻臨瞰有澗在則竊取詩人考槃
之義榜曰槃澗聊託山水以自廣焉并細繹圖牒追記鹽策之

登耗及地名官守之沿革諸歷來者有考年月日隴西李其記

福州教授廳壁記

洪內翰

自慶曆詔書郡國大抵悉有學而立官教授則縣興寧始然須以南草山小州若被邊初郡或自詭偏仄或生長兵間雖與聞德音感謙遜未皇也至崇寧大觀乃極盛凡版在職方者必建學如中州教授雖秩卑吏部不敢預必宰相自推擇而大郡多至三四員文風張施古無有也陛下宅天命蓋十有八載立太學置博士采遺太平之治而郡國立學除吏復一切如先朝時福於東南最大爲督府自平時號多士故領袖學者有員常多類以進士高第得左官俸俾指紳間者爲之紹興十八年十一月癸巳鄱陽洪邁至十二月辛酉建安劉翔至萬捷取徑路得一第劉君以易書合上意願得之皆非所爲高進士選者懼不稱時相與言曰我曹特幸耳若又欲其家而飢其徒弗學之問不

可西巨坐直廬稍挈持綱維直補破壞凡泉穀之在民未入者
上諸二千石悉索之移長度於司臺振其所之廬廬頗益實穀
冠束無朝暮謹毋敢不調而歸既略定有士前曰自吾學張官
至今若干人久數具在儻仍弗紀錄懼其多而莫知也願名
而刻之予曰誠然更其以文書來頃而籍至則其人其人皆在
不遺於是志諸壁而繇夫林君迪始丁九年正月十四日記

新刊 國朝二百名家賢文粹卷第一百二十九

記

官字記一

待漏院記

雷夏先生

天道不言而品物亨歲貢成者何謂也四時之吏五行之佐互
宣其氣矣聖人不言而百姓親万邦寧者何謂也三公論道六
卿分職宜張其教矣是知君逸于上臣勞于下法乎天也古之
善相天下者自臯虺至于房魏可數也是亦不獨有其德亦皆
務其勤耳况夙興夜寐以事一人卿大夫尚然况宰相乎朝廷
自國初因舊制設宰相待漏院于丹鳳門之右示勤政也至若
北闕向曙東方未明相君啓行煌煌火城相君至止噦藏發聲
金門未辯玉漏猶滴徹蓋下車於焉以息待漏之際相君得不
有思乎其或兆民未安思使泰之四夷未附思使來之戎革未
息何以弼之田疇多蕪何以闢之賢人在野思使進之佞臣在

朝思使黜之六氣不和災眚荐至乃避位以讓之五刑未措欺詐日甚請修德以釐之憂心忉忉待旦而入九門既啓四聰甚述相君言焉時君納焉皇風于是以清夷蒼生以之而富庶若然則摠百官食萬錢非才也宜也其或私讎未復思所逐之舊恩未報思所榮之子女王帛何以致之車馬器玩何以取之茲人附勢我將升之直士抗言我將黜之二時告災君有憂色構巧辭以悅之羣吏弄法君聞怨言進詔容以媚之私心怙愾假寐而入九門既開重瞳屢迴相君言焉時君惑焉政柄于是乎隳哉帝位以之而危矣若然則死下獄投遠方非不幸也亦宜也是知一國之政方人之命懸于宰相可不慎焉復有無穀無譽旅進旅退竊位而苟祿備員而全身者亦無所取焉棘寺小吏王其偶爲文請誌院壁用示于執政者年月日記

宣州新修戟門記

梅賾講

天下之門有戟者五四常有而一不常有曰天子正衙之門有

戟宗廟陵寢之門有戟刺史之門有戟其餘有大功則賜之戟
夫今郡刺史官無高下皆得爲之但付刺史之權則居刺史之
衙其所以立戟者何以兵嚴衛而尊寵之也是天子任刺史之
意若此也天子且寵僚官屬縣將吏百姓敢慢刺史乎刺史當
知朝廷之意則宜勤恭不急以合上心爲不辱命矣吾友廖侯
至于是邦未逾年而事舉務簡故無所用其勞於是葺樓觀完
庫廩庫廩樓觀既整獨所謂戟門者卑陋且弊不得堂宇則又
新之材取公羨瓦取官陶工籍農餘皆不煩於下而備亦甚宏
壯人不厭也吾謂列郡刺史皆如廖侯能謹飭於事亦庶幾可
觀焉何必因循處壞楹漏室東西楮樺風雨八席乃爲儉約宜
其豪姓頑富之所竊輕非所以當立戟尊寵之意也是謂規規
者豈廖侯之比哉予言非佞也蓋因時而有云

北京重建左藏庫記

強郎中

大名河北之要處爲官府必高麗巨栢相望以稱別都之雄又

其聚人也費其養兵也衆金續泉布之蓄與夫每歲十七縣常賦之入海輸而山委所謂左藏庫者宜壯而嚴乃勞及吏舍偏監衙門之左營此舍火延燎幾殆今司徒侍中魏國公居守封國會王藏吏曰狀願得更造因按沒有羨數者兵幾何官所自有者材幾何曰兵足吾使材足吾用可不賦吾民而辦吾事乃一日條所且改作之狀請於朝報可遂易其故廬而新之匠出於心巧在於目宗庠廣袤之勢無一不中度四無附居闕爽軒豁出納之令不戒自謹受獻於內者得以安置如律而左藏重備屹然雄眦一府非它屋可並凡爲楹百一十有七始作於熙寧二年十月之丙申訖工於三年三月之壬午在城廂檢魏繼宗寔董役事奉行規制無尺寸不如指者初河朔饑天子處公北門以四路三十四州之人全屬公拊民和歲饑爰及興作爲政信有先後哉方公坐廟堂時聞天下某事有未便或人以爲便而事未舉雖去尺師數千百里之外必立罷而即行之知是

庫既在公宇下又始當夫千緡六縣出入往來之道目擊其陋
且非所宜處其圖新而修舊云彼而就此也宜慮之已熟况三
吏有請所以庫成居諸役之允公特為字二十門揭一字有兩
有則有司成誦足以為官箴去公以公未俾其書屢辭不獲
文書既寧三年四月十一日謹記

儀明記

李直講

觀古君臣之間近則禮為之厭遠則尊得以伸故畿外諸侯門
阿之制與天子準宮闕城隅各下一等天子五門諸侯有三門
臺而道屏於中為宗廟朝廷大抵不甚異蓋南面之君分土而
治不若是無以貴於一國民知其君之貴然後知王室之尊堂
陛之言亦此類也自罷侯置守于今幾世弱權削威居無常人
有地數百十里而宮室輿服靡所張顯唯中門立戟非出入不開
東西兩夾門趨走之士絀勞磨折于其外非召呼不敢前以此
異于他官舍謂之儀者有意矣哉太常博士吳公使建昌既視

事曰神人在上萬事有經萬門有業守臣布行詔書奉順德
意而吏職脩矣彼小治訟若人四支雖終日運動不為勞心過
行下孟府署唯聽事葺其餘屋古之卑小或如翼覆地其中無
光或如衣之敝隨補隨破郡治所左而陋於一邑不務政俾
民何觀議於僚屬其心自聽於輿人其言樂自儀門始以及內
寢不日而備君子謂吳公以文學進宜其知治道父兄皆大巨
其耳目固不隘官為博士宜用心於禮世富刺史在可行之北
此一役也以儀門為始夫豈徒哉盡書之以示後應曰唯慶曆
八年冬十一月甲子記

滕縣公堂記

東坡先生

君子之仕也以其才易天下之養也才有大小故養有厚薄苟
有益於人雖厲民以自養不為養是故飲食必豐車服必安宮
室必壯使令之人必給則人輕去其家而重去其國如使衣服
菲惠不如吾私宮室醜陋不如吾廬使令之入朴野不斥不

吾儂奴雖君子安之無不可者然人之情所以去父母相墳墓
而遠游者豈厭安逸而思勞苦也哉至於宮室蓋有所從受而
傳之無窮非獨以自養也今日不治後日之費必倍而比年以
來所存移為儉陋尤諱土木營建之功歟仄庭環轉以相付木
取壇場一椽此何義也勝古邑也在宋魯之間號為難治庭宇
陋甚莫有葺者非惟不敢亦不暇自天聖元年縣令太常博士
張君太素實始改作凡五十有三年而贊善大夫范君純粹自
公府祿諫為令復一新之公堂更舍凡百一十有六間高明碩
大稱子男邦君之居而寢室未治范君非嫌於奉已也曰吾力
有所未暇而已昔毛孝先崔季珪用事士皆變易車服以求容
而徐公不改其常故天下以為恭其後世俗日以奢靡而徐公
固自若也故天下以為嗇嗇君子之度一也時自二耳元豐元年
七月十二日尚書祠部員外郎直之館權知徐州軍州事蘇
軾撰

新建大理寺誌

淇水先生

皇帝嗣服考古建極為百世制法既壯款巨職勸學祿吏理財
為力水土時若物以裕寧四方咸懷小大內外莫不仰父師師
御相進趨在列皇帝曰噫嘻予于治豈不有序哉唯唐虞敷三
教乃訓典刑罔賊不辜罔失不經五教未酬三法亟下是曰暴
民治用弗格今民既若得使事茲朕其明刑昔唐季更五代廢
為酷烈以草木禽獸視人若燭若人怨虐升聞瞋我祖宗大拯
厥命朕承先緒共虞天威率迪不式懼憲法躋駁勿勿焚焚新
故相仍乃比敕令使願自簡乎咸一于亡乃頒式格以迄刻令
以主賤法弗習吏委法弗守官昧法弗知乃設科選定試格傳
辭麗辟離析高下曲折重輕使無有不若法乃為律學師承夢
教憲者以通曉者以明俾非排病下民毋為吏所愚弄起熙寧
追元豐陳立經常雖不順理皇帝曰天付我民拊恤長治一夫
勤苦時予之憂予欲有司視榜扶微纏結羣如瘡疾在尔身

問亟弊无有稽留刑閑厥寔无有弗中是首京師以飭天下子
聞百司有收効率于府左右獄府司錄獄城囚猥多用以離舍
訐辨則貌招言誦詭情亦辭或暑暉鬱蒸傳糝瘦死朝飢有
弗哺之渴有弗飲呻痛呼嗟與垣重棘籲天弗知乃不獲即
顯辟是何哀矜予聞百司事寄府獄分職散曹議不一出特見
疑異甲可乙不則吏迷所從諮稟告疲至以歲年弗決三司恩
金穀錢刀視獄不及專或无以察吏謾欺省寺監或右已職欲
用獄威佐權主者頗僻迎意下上則各有罪辛毒憚孤予思厥
由寔官失原本惟古士主刑惟周司寇弊訟惟漢廷尉決獄惟
唐大理推事今理官屢覆議不折獄曲協于舊典其正厥官以
允我祥刑在職咸稽首受命乃設卿一少卿二丞四銓屬官五
別左右獄給府史胥徒隸總二百四十六人主藏文籍獄具以
待事者通章奏傳書檄者典鞫劾者閱牒文牘書律令之所當
者追捕伺直出入驅導安趨走之令者莫蓋不備吏有微罪則

株連訐逮百司即史餘歸之寺工度地于馳道之西衡廣四十
有三尋竒四尺從七十有六尋竒四尺門廡陛宇旁區列舍以
廳事所學以振詞凡三百六十有二臣宋用臣經其制臣秦士
禹司其役既以圖上十有七日告成作于元豐元年十二月之
戊辰訖于二年正月之甲申斷獄始正月辛未朔知卿事呂崔
台符少卿臣蹇周輔臣楊汲首被選掄而能考舉堅典與遺滯
訟獄無淹囚縲繫大減逮六月晦歲既半年通率以較舊數所
省廩十分之六又遣太醫生番直診疾病賦藥物囚无瘠色奎
艾歌呼懽仰聖澤有詔史臣李清臣為之記臣頓首曰先王三
視臣人無有愛惡遠近養民在政去邪養正在刑仁以刑成義
以刑立匪為嚴威會以康保天下建官責事息訟止辟其始于
今惟小大史臣何敢弗慎用獄凡不詳厥聽僞者有抵觸誠者
有誣殺要囚議罰訟繫于刑書夢定平民而失事止茲謂膠清暇
令凡不端厥守趨黨友指君事私邪枉撓侮弱彈強法蠹廉忠

崇惠于民究茲謂何獄為市畢服尋憲有辟无宥佚馬何悍人
影利欲惟悍訟谷非阻人心蒐憲惟阻察在聲色候在視息權
而量之參而伍之辭得觀情情得觀理協皆衆志輔對皇天之
佑以稱我明天子顯德休命貽則千萬年間命之臣任職之使
其戒之哉元豐二年七月日臣謹記

御史臺記

劉學士偉明

維御史見於周掌贊書受法令而已戰國以對執法亦記事之
職也至秦漢始置大夫位亞丞相副曰中丞督部刺史受公卿
奏事舉劾按章其屬有侍御史出討姦猾治大獄如專繩糾之
任厥後政事歸尚書而御史與尚書調者並為二臺大夫更為
三公而中丞為基率與尚書令司隸校尉朝會皆與席為三獨
坐隋唐復置大夫天下有冤而无告者得與中書門下省詰之
謂之三司自是御史益為雄俊為則有殿中監察并侍御史
史一人知雜事橫榻而坐謂之南床皆專彈劾不言事本朝因

之至真宗皇帝增置言事御史其後皆得言事大則相率庭辨
小則人得自達故其任視前世為尤重非但謹朝會聽獄訟而
已列聖相繼皆任以寬仁使得自竭是以風采所加百僚震肅
朝廷倚而益尊奸邪望而知畏昔周人考室見於風雅魯國作
門託諫春秋上聖恭已開闢言路聰无不聞明无不燭士有以
言獲福不聞以忠取禍臣嘗聞之責人非難責已惟難御史責
人者也將相大臣非其人百官有司失其職天下之有敗法亂
紀伏譴鬼慝者御史皆得以責之然則御史獨无責乎哉居其
位有所不知知之有所不言言之有所不行行之而君子病焉
小人幸焉此御史之責也御史雖不自責天下得以責之惟其
不難於責已則施於責人能稱其任矣

華原縣獄記

浮休居士

惟果可以從政惟忠可以事君當新法未行之時大則士不與作小則
食飲取給莫不皆出於縣道天子肅然聞言民之傷遂大新天下之法

而號之曰今有所取勿問吾民自爾凡一旬三日之屬尺核片凡之費
皆出於縣官郡縣尤以興作為最重弗敢輒議居類猶新復圯舊固必
不獲已而欲為之者曰蜀完而已次之壑之三年幾曰哉露寢地坐可
以免谷安能以我身之蒙辜而逸彼後人哉於是因循苟簡相師成風
然則寧是以為周身則尚不可率是以為政事則國家何望於守令哉
故為政而不能果者則事君而不能忠明矣左明復之為華原也果而
復葺自損月益治縣如治家齊其簿書收其器械信其辭令苦求久而
民皆畏愛則而家之獨縣獄之卑陋湫隘若非人居每及十囚則不能
容寒暑不能異疾病不能別晝之日分繫于兩序夏之夜暴露于中庭
民以事而之縣者與囚目相視耳相接而無間焉左君甚患之曰事之
可專者吾既已損益之矣至於獄舍之改作必請於有司吾寧憚法令
之崇而安忍其弊耶是必請之一不應則至于再再不應則至于三為
之往返詰難者越二年而來獲應於是傍購民間隙地以廣之舍凡十
有八楹寒暑異室疾病異處聽決有位簿書有藏即其南又有養者

八極其機乎之宏相若也工用畢而左君代去豈非窮其難事而逸彼後人者哉或曰訟所以作事謀始与其飭器執若防其原乎應之曰國雖治不能亡刑罰全雖賢不能止爭訟平其心飭其器以待事物之至雖士師之治民今尹之行已亦不過於此欲防其原孰與於是或至然之因述而為之記

東州道院記

箕山先生

敷文閣待制廣漢張公鎮武信之明年榜其齋居曰東州道院不知張公者則曰張公其清靜無為而專以德化民者欤知張公者則曰張公蓋以舜之事堯者事直君者也孔子稱舜之治无為而考於其書則曰謹五典叙百揆賓四門齊七政恤五刑典三禮彰施五色出納五言納于大麓協時月正日同律度量衡五載一巡狩分十二州隨山濬川孰謂其無為哉後世為黃老說以為我無為而民自正者亦本於可為而為則為之不煩而民安焉不可為而為則為之煩而民不安焉非謂泯然無所為也夫大史公作黃帝本紀且載其治五氣執五種撫万民度四

方与炎帝戰于蚩尤戰披山通道無靈居其勤勞心力耳目亦去至矣
漢丞相曹參所謂李黃帝老子之道者也而三年間再發長安六百
里內男女及諸侯王列侯奴隸凡三十一万二千人城長安蜀蒲氏反
擊平之夫城長安与擊蒲氏其為役大矣天下蓋未嘗無事也矣東漢
無為耶今天黃老之徒治其居以行其道者又安能無所事也若司馬
氏晉祖尚黃老至於當官者望空為高而嗤點仲山甫夙夜匪懈以是
稱無為者非黃帝老子之道也張公在朝時見事有不可喜抗論揭揭
不阿其在外也事以不可其肯閑閑不為理而曰我無為也乎老子曰
損之又損至為 此為蓋有容其治者必及損之至於元
害其治則尚如 此為蓋有容其治者必及損之至於元
此為蓋有容其治者必及損之至於元

新修府記

濟北先生

上即位之元年憂勞遠人欲與之休息詔邊臣按兵自守毋生
事疆場有不如詔肯務利者罷斥之先是文正范公與今左丞
相父_公前慶皆有恩德在慶人上方招延老成而丞相以給事
中召_公慶且大用矣朝廷既難其代而謀慶人之所安者於是

朝散郎直龍圖閣范公自京東轉運使擢環慶路經略使知慶
州詔曰尔尚無忘尔父兄之功公拜稽首就道且公嘗使陝西
攝師事慶人父老聞公來咸賀未至而其心已安之雖其宿將
悍士以公家世聲名惠澤与其所施設素信於心皆拱手待令
愛行而威不試於時朝廷方寬征伐民復田畝歲屢登庸勅牧
相望公戒邊吏姑謹備得謀者勞遣之使語其酋曰尔無犯我
我不侵尔毫髮慶不敢動民既不見公有所為而寇入稀愈益
安公政成而無事矣先是慶州官府庫廩朝廷間遣使勞邊寇
蓋勞午及歲時熟犒蕃酋將佐皆杜坐於堂者肩相摩立於庭
者足相踵庖厨吏舍馬羊之所養皆屬垣比殆不足稱連帥之
居自文正公固欲闢大之至丞相增葺殆不而未嘗獨韓康公
嘗建鼓門為闕壯餘或頌則朽樹矣公曰居室苟美謂施諸家
也至官府所以臨人聽治布礼而出威者雖一邑必飭况連帥
治哉西度荒閑地從儲糴糴廩而遠之喻月而公登成明年春

儀門成夏視事之堂成周廊廣除博大而沉深者爲將佐者天
民之來執事聽命者知連帥之尊禮行而威申不待聞其號令
見其指麾而其精神氣象已足以折衝而禦侮矣又明年春延
以其餘力築東北隅作堂以燕休而屬補之記其營造之意名
堂而榜之補之嘗論公之父子兄弟其謨謀才業固足以相望
於前後矣而其一時措置務以饒幸豈能必同而慶人皆安之
何哉竊以謂文正公當康定初元天叛擾邊中國應敵無寧歲
旣城大順胡廬而役使其大族明珠滅臧等儲畜益充士可用
故文正公欲遂弱賊更有遠略之意丞相當熙寧元豐中洮岷
用師諸邊事深入斥地矣重虛內事外則力不堪故丞相務鎮
靜意不在遠略上旣專以德懷四夷爲長久慮如前詔書約束
觀邊備不可微得帥如龍圖公平居弟勸課撫循舉其廢事和
輯其內外吏民若在守不在戰然敵至亦不敢侮樽俎談笑賓
客而樂備人或不見其有所遣已而成功如此然後可以待機

會制倉卒是公父子兄弟所以措置雖各因時有緩急不能無異而慶人享其利則同其皆安之豈不以此哉昔蘇綽嘗有所施設以便一時曰此猶張弓也後之君子誰能弛之至子威因罷綽所爲而後世善其能成父之志若趙括非不能讀書而至於臨事不知合變則發雖不能難亦終不能善也至於居處土木之美陋雖非事之所損益而勢有所不得儉前人豈皆以爲可忽而不爲顧不暇耳由是以觀公之規模固甚遠當其間暇充足獨強本治內至於府庫倉廩無不飭以威屬城而視遠人益有深意豈易量哉匹夫而目爲謀養其力以有爲一家而目爲計愛其財以有用如李牧之爲趙守邊隙暇市租以入幕府爲士卒費日椎牛醢酒欲戰不許敵至則入收保固焉不爲怯也昔江漢之詩言宣王以文武之命召公者命其孫虎而虎能似之其詩曰王命召虎來自來宴文武受命召公雖翰虎鮮精首對揚王休作召公考天子万壽古之人君能用其功臣

之世以有為而其臣能不愧其先人之功報上之意者如此故
江漢之詩美焉嘗試以江漢名堂叙公為政本末而刻之元祐
三年九月二十三日宣德郎祕書省正字鉅野晁補之記

孟縣新遷獄舍記

斜川居士

孟之為邑褊小介在山谷中為令者至官多愛窮其民不事事
至於舍館圯壞恬然安之習為故常莫肯改作劉君祖因為是
邑其明年民既食之則請于州量功立事自門墻戶牖煥然一
新既又徙置其獄於廳事之西為屋二十楹開闔垣墉峻峙完
潔下至桁楊桎梏莫不中度以書抵余願記其事余惟鄭子產
鑄刑書而叔向譏之今子作新獄舍俾余示後人不幾於使
民有爭心乎雖然古之仁人若子於是物也不敢過亦不敢不
及蓋將盡心焉耳夫林莽詰訟安在易有之曰利用獄而哀矜无
辜使人自以為不冤必於是乎在此吾之意也坎如坐視其墜
隘不可一日居暑雨初寒適至人有便死誰事其各且黃霸縱

夏侯勝受經吳祐縱母立長生子皆坐黜論多死而不悔吏者
不少隱其元寔入卒為濕燥寒暑所病呻吟疾痛之不暇又安
能受經養子於其間哉子非直然也抑又有旨哉昔雋不疑為
青州刺史每行縣錄囚徒還其母聞有所平反輒喜笑為飲食
言語異他日子千里奉母而來顧元以為親所謂養志殆將出
此乎君曰然遂并其語書之

彭城移獄記

後山居士

徐居東方為南境梁楚之郊其地四來元林澤之阻其民拙木
元武擊之技而其治多獄其獄多盜其盜多劫論以重典購以
重賞死者歲以百計購以巨万計余徐人也知其說焉慶曆嘉
祐之間曹濮兩州稱為盜區始用權制而徐故元盜也治平末
有為徐守全言蕭公晝夜亢其室私其裝焉於是請用重法而盜由
是興士之為盜有三層民元生業惡子多費取資於人凶年窮
里老弱死間巷壯者起而自救郡國亡命依阻深昧以緩朝夕

今之爲盜有二兩軍三卒無以自存縣之尉士終更罷歸凡民
去耒耜更邑市偷墮侈靡不能自還而謀劫足使也重法之盜
有二姦猾誘民爲盜而反告逐捕之吏以竊爲強上下相通以
掠服之不然毒死獄中以幸賞徐之盜有二其愚易罔其拙不
能自明凡爲盜者五而徐之爲盜九凡盜不急利則緩死而徐
之盜以爲市而就死也凡盜抵法而徐之盜罔於法也可不
察乎夫刑之不勝盜久矣故季康子以爲愚智之不勝盜久矣
故趙京兆盜謀輒覺而不能禁也講之不勝盜久矣爲講以盡
敵也盜可盡乎然則勝之者可不可也劉叔貢父爲曹州盜賊
妻急獄屢空或問弭盜之術叔貢父曰吾何術焉不以重地視
之而已有爲句容令多盜改置社稷而加禮焉既而盜止先君
子所說先吏所爲也必以爲難而今人所行世所共知者復何
難哉蓋世以簿書訟獄爲治故意不及其外而一切紀之非行
之難而不爲也此兩人者特一其所遇蔽其所事而其妙如此

又況古之人善其身而行之者乎。蓋城獄故近市。汝陽梁叔忱
廢縣闢而徙之。爲南北之室。以時寒暑。不以考掠而獄益明。叔
忱爲令有能聲。方地數百歷年數十。不有其比。余爲徐。幸官過
之。見其興作而屬余爲之記。會從願不果。作明年獄成使來告
而記之。後之人以余所稱爲心。以叔忱所治爲法。蓋城之獄庶
其貴乎。叔忱名子諒。丞相莊肅公之孫。以承議郎知縣事去。

湘潭縣楚峯驛記

洪內翰

湘南襟控巴楚。山江阻深。爲自古雄爭地。驛向未靖。必先受兵。
孫劉之剖分。楊馬之包燼。平時當當委貳。如莽宋興二百年。兩
露溪壑至矣。然補且整頓。視唐日盛時。由未能什一。重以建紹
之交。孔桑鍾公之所汗。課百里。介錯嬰先聖。郭湘潭爲都府大
邑。戶溢十萬。旁左莫。而民耗於征。括土頻於踰。藉年股日
揭。不可復名。善國紆墨綬。佩銅章。庇身全長。閱數十不啻求其
居位自稱。以官爲心。殆弗庸訕指。豈事勢使然。人固不以咎令。

刃令之健有決者亦曰縣負我高乎范子權方城縣政家之齒
壯氣腹識茂而行素自北徂南寄築衡山之鹿距今治所難徇
音相聞凡某事爲追科病某事爲屈役病某事病城郭某事病
舟車某利當興某害當去平生講義手中非口耳竊竊然者涖
政未幾沛然一施之如潦水奔川莫射歛的南蒯誠化魯昭章
農者輟耕而嬉良以爲得令晚阮鄧郭如道院於是指丞尉而
諭之曰吾邑當空道賓客之敏境者蟬相接顏實舍於閭閻簞
葦間卑潔蒞登堂无以肅園隸書爲邑長於斯視訝士夫職置
弗問非也賦功慮材規室百堵人未暇夸說而屋已成摘韶州
韋使君詩句標曰楚峯驛又作岸花樓湘中館鼎于右方逆旅
一切之煩不調而獲面熟清絕來者陸膏吾車繫纒柳下旅連
不忍去或移日一再乃克行九漢河東西之候館以百數登歛
手辟席相對龍家浦千帆所經登望如續畫杜公分留物色臨
流尚可賦領客長吟之余持以餉我紹熙二年二月十二日記

鳳鳴驛記

東坡先生

始余丙申年舉進士過扶風求舍於館人既入不可居而出次於逆旅其後六年爲府從事至數日謁客於館視客之所居尚其凡所賃用如官府如廟觀如數世富人之宅四方之至者如其家皆樂而忘去將去旣駕雖馬亦顧其皁而新余召館吏而問焉吏曰今太守宋公之所新也自辛丑八月而公始至旣至逾月而興功五十有五日而成用夫三萬六千木以根計竹以竿計瓦甍坏釘各以枚計稍以石計者二十一萬四千七百二十一有八而民未始有知者余聞而心善之其明年縣令胡允文具石請書其事余以爲有足書者乃書曰古之君子不擇居而安安則樂樂則喜從事使人而皆喜從事則天下何足治乎後之君子常有所不屑使之居其所不屑則躁不怠惰躁則妄僭則廢既妄且廢則天下之所以不治者常出於此而不足恠今天來公計其所廢而累其勤使無齟齬於世則今日何爲矣

猶爲此官哉然而未嘗有不屑之心其治扶風也視其惰斃者而安植之求其蒙茸者而䟽理之非特傳舍而已事復有小於傳舍者公未嘗不盡心也嘗食良芻豢者難於食菜嘗衣錦者難於衣布嘗爲其大者不屑爲其小此天下之通患也詩曰豈弟君子民之父母所貴乎豈弟者豈非以其不擇居而安安而樂樂而喜從事歟夫修傳舍誠無足書者以傳舍之脩而見公之不擇居而安安而樂樂而喜從事者則是真是書也

新刊 國朝三百家名賢文粹卷第一百二十

記

樓觀記一

黃州小竹樓記

雷夏先生

黃岡之地多竹大者如椽竹工破之剝去其節用代陶瓦以屋
皆是以其價廉而工省也子城西北隅雉堞圯毀蒼苔瓦礫因
作小竹樓二間與月波樓通遠吞山光平挹江瀨幽閑寥夔不
可具狀夏宜急雨有瀑布聲冬宜密雪有碎玉聲宜鼓琴瑟調
虛暢耳詠詩詩韻清絕宜圍棋子聲丁丁然宜投壺矢聲錚錚
然皆竹樓之所助也公退之暇披鶴氅戴華陽巾手執周易一
卷燒香默坐銷遣世慮江山之外號見風帆沙鳥煙雲竹樹而
已待其酒力醒茶煙歇送夕陽迎素月亦適居之勝槩也彼齊
雲落星高則高矣并幹麗譙華則華矣止于斯妓妾藏歌舞非
騷人之事吾所不取吾問竹工去竹之瓦僅十棹若重覆之得

十稔噫嘻吾以至道乙未歲自翰林出滁上丙申移廣陵丁酉又入西掖戊戌歲除日有齊安之命己亥閏三月到郡四年之間奔走已不暇未知明年又在何處豈懼竹樓之易朽乎幸後之人與我同志嗣而葺之庶斯樓之不朽也咸平二年八月十五日記

岳陽樓記

范文正公

慶曆四年春滕子京謫守巴陵郡越明年政通人和百廢具興乃重修岳陽樓增其舊制刻唐賢今人詩賦于其上屬予作文以記予觀夫巴陵勝狀在洞庭一湖御遠山吞長江浩浩湯湯橫無際涯朝暉夕陰氣象万千此則岳陽樓之大觀也前人之述備矣然則北通巫峽南極瀟湘遷客騷人多會于此覽物之情得無異乎若夫霪雨霏霏連月不開陰風怒號濁浪排空日星隱耀山岳潛形商旅不行檣傾楫摧薄暮冥冥虎嘯猿啼登斯樓也則有去國懷鄉憂謫畏譴滿目蕭然感極而悲者矣至

若春和景明波瀾不驚上下天光一碧萬頃沙鴻翔集錦繡遊
泳岸芷汀蘭郁郁青青而或長煙一空皓月千里浮光躍金靜
影沈璧漁歌互答此樂何極登斯樓也則有心曠神怡寵辱偕
忘把酒臨風其喜洋洋者矣嗟夫予嘗求古仁人之心或異二
者之為何哉不以物喜不以己悲居廟堂之高則憂其民處江
湖之遠則憂其君是進亦憂退亦憂然則何時而樂耶其必曰
先天下之憂而憂後天下之樂而樂乎噫微斯人吾誰與歸時
六年九月十五日

孫氏書樓記

孫直講

弟闢既建爲重樓連翼堂于力之隅以聚古書以來學徒功立
事就乃走僕奉書于漢陽告乞記于弟兄某且曰闢嘗欲積書
勸學每患墳集之多闢文字之多諒也去歲中遂離蜀川抵京
輦納囊金于國庠據書府都市所有之書盡請之以歸自六藝
之典諸子之篇史臣記錄之策謂史記兩儒生解詁之說謂孔

明義 至於或纂舊聞殊號晉東所元或集小說名家補

之類 文士之述作才人之章句今皆波分雲屯益于私室且

念素編露積多腐蠹之虞巾箱所設乃葢陋之事故故斯樓庶

寶斯書樓凡數室室凡數櫃櫃之所列各以類分其興造之工

除鍍艘敦簡朴也材點痼痼期久固也加以新其幟帙嚴其高

鏤風雨弗能侵埃塈弗能及豈樓而素風冷然開櫃而簡編爛

然尚何必訪蔡邕之碑始定漆書登孔子之堂乃聞金石於是

閣門韓侯永錫既蒙其榜均翰錢公易首詩其事惟碑石久磨

而其記尚闕兄素古文名于兩蜀間宜為關一紀其跡庶垂於

不朽可乎某因念世有好事者建園池亭館以備嬉游景色物

態稍奇耳目屬辭之士尚詠歌贊述之不暇且人齎金錢詣京

邑者非廣貨奇貨以希厚利則必多易珠翠以贍私欲而闕乃

能萬里市義千金奉儒况乎劍戟鏃鏑劍峯倚壁其索之也不

辭道塗之險其苦更之也不吝土木之費斷其用心則其出於人

也亦遠矣夫如是則秉筆者豈有可於彼而返不可於此乎
計其請而為其記曰教學之道與時盈虛大道之方行也則家
有塾而黨有庠術有序而國有學大教之或敷也則人祠伯陽
以徵福力塑浮屠以禱罪非夫世累儒素克昌紹緒者諒不能
端動草於薄俗非夫運下袞聖丕變賢儒者諒不能復淳源於
古始其之七世升始以李唐之世泄官西蜀旋寓諸侯阻兵歸
朝弗果遂卜其辟地保族之所得眉陽而家焉六世祖長壽縣
世塗之圯懼懼素業之不續乃萃九流之典樂為層樓以保藏
之且曰鳩書于小邦俗必謫吾之不知時也吾要將以存吾家
世胄之訓焉登樓于陋力俗必罪吾之不量力也吾要將以示
後裔基構之首焉惟尔子孫勉蹈吾心而已矣故自五世而下
以迄于其其間雖隱晦未耀至於瓜畝先業箕裘祖訓歷百祀
而一志焉故迄今眉陽之人咸曰吾家為書樓族且以樓之名
名其里巷焉眉陽城中今有書樓巷乃因吾祖復值皇宋受命

四聖繼明聲教文物條濬九域闢於是時果能奮拔傑立成是
能事則是役也所以見吾祖之慶延而吾君之化被也亦所以
見闕之為人真能好古懲而克隆有荷者也其既樂道好善且
將萬辭以辨其學焉夫群書辨羅衆說玄與雖以致博物之益
亦所以成異端之害而今而後有登是樓閱是書者又宜以某
之言顓而戒之曰四部之書蓋以類分非謂皆可等有而齊列
也故其間覆載天地照臨日月者止聖人之經亦聖人之經其
名雖六其道無二也天下之事業莫不成於敦本而害於逐末
故善為學者傳之以六藝之文約之以一貫之道斯要於仁義
之統蹟象於教化之域就後汙汨於衆流確鑿於百家故以經
觀子而醇駁無所隱其奧以經觀史而失得無所亂其質群言
紛綸則斷之以六經之言衆事傾奪則折之以六經之事至多
而不能惑君子所以樹大功振大名出入而無窮強張而不閑
者無他用是道而已矣如曰吾之於書刺章句以資文彩也經

於何有焉吾之於學勤弊恍以備茲藝也道於何有焉則主是
樓者謝而遣之庶無累於名教可也時天聖四年丙寅歲七月
十七日漢陽公署為記

栢林溫公書樓記

李直講

南川自豫章右土其大州曰吉又其大曰虔二州之賦貢與其
治訟世以為劇則其民旺歟夥可識已雖然善多君子執瑞玉
登降帝所皆接近虔無有也疑其負南越龍章璽餘氣去京
師愈遠風化之及者愈疏棄其豐富以放於逸欲宜矣故人許
其家石城虔屬邑也此年夏踵予門道其鄉進士溫某之為人
曰溫君少時求祿而莫之得慨然自謂不得諸外蓋求諸內不
在吾身宜在吾子孫乃圖山泉美好處莫居栢林因作講學堂
房數十其樞攻位之日獲五銖錢五萬于地士友珍之或以青
錢名其館凡書在國子監者皆市取且為樓以藏之性寬靜用
地利自足不與俗人爭訟買直華葺以教子弟禮賓客為已往

琴歌酒賦夜以繼日許君不妄人也今其所稱與嚮之疑者不
幾是度之福歟自古聖人之德業舉在于書聖人者非其智造
而巧爲之也天之常道也之常理萬物之常情也夫地萬物之
常而聖人順之發乎言見乎行事君得之以爲君臣得之以
爲臣父得之以爲父子得之以爲子兄得之以爲兄弟得之以
爲弟夫得之以爲夫婦得之以爲婦長得之以爲長幼得之以
爲幼反是則爭奪相殺未有能已者也今溫君聚書勤勤有是
意于聖人有意于聖人則豈一家而已鄰里鄉黨庶乎偃伏之
矣然則度人之成大名至大官蓋未易知尚何苦之媚哉柳子
厚於楚越問山水如小丘小石潭袁家渴石渠右澗猶有記以
答好特者今人有爲藏書之樓非特山水之勝記之以啓好書
者不亦可乎予欲一至闕邊四顧天外江山進前文史相對清
風兮我翁白雲兮我蓋召屈原於湘魚之口呼李白於空轡之
背款寶玉之餘闥拭明珠使去顙酒酣興盡交揖而退其樂可

言耶而未之得也皇祐五年秋七月庚子記

眉州遠景樓記

東坡先生

吾州之俗有近古者三其士大夫貴經術而重氏族其民尊吏而畏法其農夫合耦以相助蓋有三代漢唐之遺風而他郡之所莫及也始朝廷以聲律取士而天聖以前學者猶襲五代文弊登吾州之士通經考古以西漢文詞為宗師方是時四方指以為歸闕至於郡縣胥吏皆挾經載筆應對進退有足觀者而大家顯人以門族相上推次甲乙皆有定品謂之江鄉非此族也雖貴且富不通婚姻其民事太守縣令如古君臣既去輒盡後事之而其賢者則詭錄其行事以為口實至四五十年不忘政小民常諸善物而別異之以待官吏之求家藏律令往往通而不以為非雖薄刑小罪終身有不赦犯者歲二月始於四月初吉穀稚而草壯教者畢出數十百人為曹立表下屬鵠故以致衆擇其徒為衆所畏信者二人一人掌鼓一人掌

樂作止惟二人之聽鼓之而不至至而不力皆有罰量田
計五終重而會之田多而丁少則出錢以償衆七月旣望穀
而草衰則卜鼓決漏取罰金與償衆之錢買羊豕酒醴以祀田
祖作樂飲食醉飽而去歲以爲常其風俗蓋如此故其民皆聰
明而于智務本而力作易治而難服守令始至視其言語動作
輒了其爲人其明且能者不復以事試終日寂然苟不以其道
則陳義秉法以譏切之故不知者以爲難治今太守黎侯希聲
軾先君子之友人也簡而文剛而仁明而不苛衆以爲易事旣滿
將代相率而留之上不奪其請旣留三年民益信遂以無事因
守居之北牖而增築之作遠景樓日與賓客僚吏游處其上軾
方爲徐州吾州之人以書相往來者未嘗不道黎侯之善而求文
以爲記嗟夫軾之去鄉久矣所謂遠景樓者雖想見其處而不
能道其詳矣然州人之所以樂斯樓之成而欲記焉者豈非上
有易事之長而下有易治之俗也哉孔子曰吾猶及史之闕文

也有焉者借人乘之今亡矣夫是二者於道未有大損益也
且錄之今吾州近古之俗獨能累世而不遷蓋耆老昔人豈第
之澤而賢守令撫循教誨不倦之力也可不歸乎若夫登覽
觀之樂山川風物之美軾將歸老於故丘布衣幅巾從邦君於
其上酒酣樂作援筆而賦之以頌黎侯之懷愛尚未晚也元豐
元年七月十五日記

拔雲樓記

後山居士

曹公周之成國士而為陶今定陶之故城是也陶之西南有丘
焉西漢書年譜陶丘墨子竹書紀年所謂金丘圖記所謂南左山
而州所謂南魯大師之墓者也漢哀帝由定陶王而為天子
尊其尊其恭主為皇帝置寢廟如祖宗周丘而城以為陵邑今州
治是也州之北數里而近兩丘相屬六國魏王之墓也有岡自
東北歷而西南隱如伏龍魏之所以葬也擇地而葬尚矣而曰
魏隧王墓者以其始隧而葬也其後名州曰左城墓曰左山岡

曰左岡記曰左山其下多左姓故名然莫得而考也余謂尔雅丘再成爲陶釜者負也猶陶也而皇甫謐云舜陶河濱而名郭璞又云在定陶城中者皆誤矣然則周之所治猶曹國之舊也未公謂陶天下之中諸侯四通貨所交易班氏亦謂堯作成陽舜漁雷澤湯居亳故其民有先王之遺風重厚多君子好稼穡惡衣服以致畜藏秦漢去今未久而側僻荒虛商旅不出其塗承唐之亂由里壯少棄本業酒食歌舞馳狗馬飾冠屨強悍喜攻劫佩刀引強指人之蔽以爲貴至殺吏士冒城郭皆與古異世亦多變矣故常選用武吏重法厚賞嚴刑斬殺獄市無虛日號曹濮爲盜區吏常日夜評掠證驗皆文書出購募調兵選將期會之不得休息故郊無臺池苑囿而府無閒館賓不勞贈吏無號號號爲輔州太府而威重不稱豈上所崇極而下所觀聽者乎曹氏京師皇化所先承平百年風俗移易金鼓不作獄市更始於其間興繁除飾以待四方之賓與閭巷之市而

來者繼焉堂館相望如諸侯居而連席而坐者堆汗每盛夏
常開閣謝客於禮猶有關也朝請大夫郭侯之爲是州不忍盜
賊其民心以一怒而人益勸振其綱目百職具舉而府益无事
又連歲大穰家有藏積其明年之春始因其舊廣而新之爲披
雲之樓其地宜而登望之樂棟宇之制爲一州之勝而其費
蓋不及民也人不可以久勞亦不可以久逸逸者所以待勞
也勞逸相繼爲身安而事治禮曰仁夏之月可以居高明可
以遠矚望日不羣與其客記其所聞以爲月紀則居高矚遠
乃先王之政也而世之吏道致期會程文書以爲治蓋亦知其
一焉臺地近園獵射田漁雖非政之所先亦非其所不爲也今
夫失其先後之序而不勤其事而受其養者則有愧矣雖然吏
之所以能有此者豈非世之承平歲之豐穰而政之暇務也耶
則居其職者可不知乎余常從侯而登極目四顧則昔之莠蠹
傾劉穰侯窮武子與夫漢魏之衰也其入非萬乘之君則其相

已其功譽富貴文學辨議皆薄世而絕俗而今日之風霜荆棘
孤格之與亢也何濟之間禹之所治聲烈赫然而通川廣澤皆
失其故處使人悲傷慷慨而興起蓋可採而賦也願吾老矣力
不足以及此而為之記

杜頰樓記

洪內翰

長樂固大府而郡太守又揔管七閩諸軍故官屬常多通府於
文武內外蓋數百員止舍於官不足於是有取僧房而宇者並
城南而西其山曰烏天寺其下者以八九神光最大林子明父
得其東北隅居十二居之其高敞有樓下視野綠萬畝正面山
數重屏立如植長江橫陳坐見潮汐來去相與合奇聯勝獻狀
于寸眸間異時傳弟以尉八華香人不貴重景氣鬱鬱怒亦遊
去不顧明父始玉石之從書自萬卷日哦其上起居飲食未嘗
一不與山接既得主人而境益章意等初過之問其所以名曰
木也意其豪搜巧會要必與山相直然後已它日又至則已榜

出極間壯甚昵而視乃其婦氏筠翁所書三頗然者字光既坐
明父曰吾至是歲再矣天子命我從事幕府月受去五萬錢囊
米之入足以飽妻子其不宜敢佚也明甚然乘馬從徒不名一
勞他人劫劫已獨歎暇間歛板上府偶放尾官長後客禮輒退
微毫分事可白衣臥蚤作文書不得索介已則登茲樓看青山
岸巾持頤爽氣自至所謂手板者顧不挂眼更如是不既幸已
子將以是文壁間必子也爲我哀者子曰子之賢遠於人食其
食必知其官充是心以行富貴悲溺子耳於是歲苦飢明父方
三檄護糴旁郡則有日須其還將試以在東米價問之

鏡州湘江樓記

洪內翰

城面嚮啓門三上察樓觀左曰楚東閣中爲月波少西則鄴
江樓相去各不能自步澄波練橫野綠萬畝煙雲風景大抵無
異而都樓蔽戰衛之前排輿禮拜長係二聖領會較計輕重
之三者不庸比也往年果於水與門俱權于騎出入必顧之暗

奏僚案文武內謁視傾帑支邦人環拱睨歎公共誦言吾
人却儼以爲居雖壅牖圭齋而外闔無敢不捷閑此獨置
不問奈唐聽何故俠趙德勤以興仆自諱晚工慮材約略且集
叩星家牽拘未克而從濟南王叔明來受印騷導入闔閣回首
幽見心以爲不可下車之五日即真力無法塚樓知運佳吏也
賢畫囑之擇木於山買竹於林天釘瓦甍望赤赤白之須隨手
界直價弗損於市百匠旦赴役莫得錢爭先謹趨毋假督召無
災反屋已立五閱月崇成三楹挾諺高出庸表者二十有五尺
消浩常有七尺衡二十九尺巍然雄尊屹爲澤國偉觀規撫二
制視昔蓋有過之倚闌盡目水函太空天際帆檣可歷指而數
也方奔斯振作龍舞於幽宮炎威赫舒當雨而雨應是得言
歲民又益喜使君命酒高宴延賓朋賀成客或起而誥曰城郭
舊臺郡縣由人之一身正冠肅容儼若居位則人望而敬莫不
敢撓樹光閣尤闢四達皇皇往來肩摩將眸臂生慢於勢味矣

故皇明應門之仇書於大雅隆矣邦而儀萬室非直以聲應
要爲美也叔明天資長者爲治知後先緩急御民如完夜漏未
盡三刻興視文書聽牒愬庭戶之間不聞大聲疾呼而上下相
安來者志滿願從懼其未終更踐重書褒優不使倦此留將無
以寓異時卷卷意於是相與斷石置樓上求文紀之得勒名不
朽故明名寅紹熙三年閏月壬戌記

賜書樓記

方舟先生

天下之書公書也或聚或散惟其一而足一者所以權聚散而
公天下之全仰惟國家賁飾在御奎躔有爛斯文昭派累聖德
澤中外聚散如出于一可謂公矣頃自渡江以來頒詔旨降經
目脫五阮之會收四部之富廣廣乎三館所儲五學所蓄既云
盛矣至於郡國多寡有無自其全者而視却又可知資之爲用
有書樓者邑君賜也起前宣和辛丑魏侯潤博請于朝移他州
之賜以益此州之賜所可喜者威儀之舊典刑之遺澤然異時

太平氣象如韓宣子所見於三書之在魯者殊岌岌矣歲月荒
老遺編散佚汗漫於所忌憚其甚可喜者豈惟鼠穿魚蠹蠹中
之舟皮半有力者負去則誰與任公書之責今太守宇文侯以
儒者之治事事物物爲此州起廢不惟其書家之所傳人之所
借肆之所市綴緝散逸抄錄殘缺比舊目凡增至七千餘卷皆
有樓因之以從故葺新成既舉其書爲厨縣之庋于樓左右壁
突出如山絕去於風雨塵埃者遠矣哉石聞之昔之君子蓋嘗
以聚書爲耳目奇玩如衛公所謂未見未聞新書鼎者歉然飢
渴不啻不能必其全既全矣不能必其一者何也合天下之
書權以至公雖其散者猶聚也經史子集府庫之目如徒煙海
東西南北無復涯矣至於自自塗泮者若於其不一而欲其全
則必人自一家亭自一師衆說紛裂在彼在此倍費籠絡有不
全矣斷自唐虞者缺黃帝之史邇云楚國者亡子革之詩八索
之果爲八卦又有三墳幾易矣九丘之果爲九疇又有五典幾

書史取義而補白華之亡作記以名冬官之逸以至載文仲之
言史佚之志應各有篇曾壁科斗波篆竹簡並自漢晉而亦不
傳焉烏在其爲全也哉曾不若總天下之書一之以聖人之道
取其不全者公以傳之使之如陰陽寒暑類相感氣相應以納
于中和之域俾異端者不得作邪說者不得肆大小精粗并包
含貨士氣純一根本所萃教化漸被若出一書此其權必有所
賴矣誠使繼典此州人能推廣侯之用心何體皇上麗文
繼照之意卒道愛人雍容揖遜於俎豆帷幄之間而鼓舞不
殺之祥足以折衝壓難於千里之外敬佩大賜壽此書之脉也
與斯民士共之豈但誇示土木輪奐矜然于副墨洛誦而已哉
侯又模兗州孔子顏子龔子撫之屏重文治增盛事出侯名紹
奕序表巨以出學登丁丑年進士第乾道七載十月初吉李石
記

士君子之所貴乎世者以其有傳也傳之以久遠雖累數十世人猶指爲士君子故家不減其先之所傳者茲可貴也自堯舜有世而不得以私其子至於文武周公出於一家聖人事業兄弟相世不絕如一入是富貴果不足以久其傳而李之見於世者莫如吾子孫之以此文武周公所以久其傳如堯舜天下後世喜於稱道誦說樂其世而不厭者以其有傳也韓退之爲大儒其子不識金相車陶淵明爲高士其後爲市司夫不識器用制度與流爲俗人皆無害其先者而人皆笑之以爲退之淵明美大之辱況今搢紳衣冠欲以富貴畀其世使不至於貧賤而不以其道則其辱將有甚者讀書樓者吾鄉鄧氏之先世也鄧氏世居水之南而隱於羅泉之育村山築樓以讀書名今幾世矣至於吾友進道爲幾代孫人不以爲異其世者以其傳之久不以爲攘取貪得者非獨其樓也以其名也非獨其名也以讀書之人之寶也千金之器以爲貨而陳於市凡力可以具千金者

皆可得之若夫世傳之名雖陶朱猗頓有不得竊目而視者
呼吾乃今知爲讀書樓爲傳世之器千金之貨敵也進道
書自喜爲有用之書書北闕退見時相談兵時相以某可
用送大將與商確用兵利害大將廣爲重客將官之進道并云
歸育材山得其先世所謂讀書樓傾囊金盡之貯万卷其間以
老焉進道非獨以修其身亦欲其子孫之久其傳而不絕于讀
書之人也石以博士得罪居鄉進道以書托諒爲且邀爲樓上
之游嗚呼吾與進道同鄉同歲進道能決意老於讀書樓吾獨
吏州縣而不決然去之誠得被丹爲樓上之客亦可以蓋平生
不學之愧亦將以勉吾世云

黃樓記

後山居士

熙寧十年京東東路安撫使呂某轉運使呂某判官呂某稽首
言河決澶淵南傾淮泗彭城富其衝夾以連山扼以呂梁流洲
不時盈溢千里平地水深丈餘下顧城中井出脉發東薄西隔

西入通沅南壤外垣土惡不支百有餘日而後已臣蘇其深惟
流亡爲天子憂夙夜不逮以勞其人與廢應變固難應卒外爲
張權棄高如車以殺其怒內爲大堤附城如環以待其潰築二
防於南門之外以通南山以安危疑發倉庾明勸禁以惠困窮
以督盜賊宣布恩澤巡行內外吏民嚮化興於事功法施四邑
誠格百神可謂有功矣宜有褒嘉以勸郡縣十月二日甲子奏
京師明年元豐正月甲子

制誥諭意臣其惟念祗承

謨訓人神同力敢自爲功以速大戾而明揚褒大元以報稱乃
作黃樓於東門具列明詔以承天休而明德意使其客陳師道
又爲之銘臣師道伏惟曰尚南仲內撫百姓外平諸侯詩美文
武尹甫召虎南伐淮夷北伐獫狁功歌宣王君能使人以義其
才且能有功以報其上古之義也臣師道又惟感而通之者道
也行而化之者德也制法明教者政也治人成功者事也昔之
詩人歌其政事則并其道德而傳之後王有依可舉而行願臣

之惠何與於此誠樂君臣之盡義忘其不佞置死上黃樓

詞曰

皇治惟成 修明法度 協和陰陽 十有一年 天災時行
河失其防 齊魯泉楚 十里四達 潰亂散土 皇仁隱憂
臨遣信臣 以惠東方 羸老下窮 慰安撫養 發散積寔
流人如歸 居人忘危 完聚靡傷 天叙地平 明聖成能
人神効祥 靈平告成 德施百出 繼古有光 農事修宇
百穀豐盈 万邦樂康 郡縣祗畏 允迪聖謨 終事無荒
皇功不居 歸休已民 還昭遠揚 守臣拜手 夸大休嘉
使民不忘 故於黃樓 以臨泗上 述脩故常 庶臣无佞
原始念終 銘之石章 以告成功 以揚德聲 永永無疆

新刊 國朝二百名家賢文粹卷第二百三十